



PL
2463
27046
1771
v.6



也吾反身自問竊喜

自誇也倘吾因是以自

吾蓋自設教宗部

後

之不猶入者亦咸為擬

於文即吾之所猶入者亦

於文之固失噫吾之於文

丁果得而行之耶

用威

口得其道矣夫戒與董上

休用威而後可為上者

秉彛之性無以戒而弗

董之而弗誠然亦貴於

自舉其為典之所攸聞

弗賞罰之至明焉其可

事要卷九

秋陳宏謀銘門

編校

祭

聞凡

陳祭

同楚使人聘凡

賢

州於楚

乃發

自諱也。猶吾因是以自諱。
吾蓋自設教宗祏。而後往。
之不猶人者。亦咸為擬議。
於文。即吾之所猶人者。亦
於文之罔失。噫。吾之於文。

丁未得而行之耶。

四威

自得真直矣。夫戒與董上之

休用戒。而後可為上者。可

家與之性。無以戒而將。

董之而弗誠。然亦貴於各

日舉其為典之所攸問。

四書考輯要卷九

桂林陳宏謀榕門輯

孫蘭森編校

論語

先進第十一

從我於陳蔡

史記

孔子世家

楚昭王聞孔子在陳蔡之間楚使人聘孔

子孔子將往拜禮陳蔡大夫謀曰孔子賢者所刺譏

皆中諸侯之疾用於楚則陳蔡危矣乃發徒役圍於

野不得行絕糧

七日

從者病莫能興孔子講誦絃歌不

衰子路愠見孔子曉之即君子固窮語也又召子路而問曰

詩云匪兕匪虎率彼曠野言人非同於獸乃相率困於野吾道非耶

或吾道有致罪之處耶吾何為於此子路曰意者吾未仁耶人

之不我信也意者吾未知耶人之不我行也孔子曰

有是乎子路出子貢入見孔子問如前子貢曰夫子

之道至大也故天下莫能容夫子蓋讀作去少貶焉少貶

其道以就人也孔子曰賜而志不遠矣謂道不容而自貶何所見之小也子

貢出顏回入見孔子問如前顏回曰夫子之道至大

故天下莫能容雖然夫子推而行之不容何病不容

然後見君子夫道之不修也是吾醜也其責在我道既已

修而不用是有國者之醜也。其責在人。孔子欣然笑曰有

是哉顏氏之子使爾多財吾為爾宰。顏子所見者人能道夫子所欲

言故夫子喜之至而願為之主其家財也。於是使子貢至楚楚昭王興師

來迎然後得免

陳世系見中庸大孝章子孫保之條

蔡姬姓侯爵周文王第五子叔度封於蔡今河南新蔡縣

地蔡昭侯又徙州來今安徽壽州謂之下蔡。

書蔡仲之命惟周公位冢宰正百工羣叔流言。周公踐阼攝行天子

之事時管叔與蔡叔監殷于東都疑周公之為將不利于成王乃挾紂子武庚作亂周公奉王命征之。

囚蔡叔於郭鄰。郭即虢也今河南陝州地。蔡仲蔡叔之子克庸也。常祗敬

四書考異要卷乙先進二培遠堂

德能常用

周公以為卿士叔

蔡叔

卒乃命諸王

成王

封諸

蔡

是為蔡仲凡十六傳至景侯同為楚靈王所滅因以為縣楚平王立復求景侯少子廬立之是為平

侯又六傳至侯齊復為楚所滅遂亡

南容三復白圭

詩

大雅抑之篇衛武公作此詩以自警其五章曰

白圭之玷

缺也

尚可磨也

圭有

取可磨而去

斯言之玷不可為也

言有疵則不可挽回此見人宜慎言也南容三

復此詩蓋亦慮言之易縱而讀此自警故夫子嘉之

顏路

顏無繇字也顏回之父唐宋歷贈爵明改稱先賢顏氏本朝因之

家語

孔子始教學於闕里而顏路受學

又顏淵之

喪既祥顏路饋祥肉於孔子孔子自出而受之入彈

琴以散情而後乃食之。

鯉字伯魚。孔子之子。子思之父。葬於孔子墓東。宋始贈爵。明改稱先賢孔氏。本朝因之。

家語孔子年十九娶於宋之元官氏。生伯魚。魚之生

也。魯昭公以鯉魚賜孔子。榮君之貺。以君賜為榮。故因以

名鯉而字伯魚。魚年五十。先孔子卒。又孔子謂伯

魚曰。鯉乎。吾聞可以與人終日不倦者。為之終日。其不生倦怠。其

惟學乎。其容體不足觀也。其勇力不足憚也。其先祖

不足稱也。其族姓不足道也。終而有大名。以顯聞四

方。流聲後裔者。豈非學之效也。故君子不可以不學。

其容不可以不飭。修飭也。禮記檀弓伯魚之母死。期而

猶哭。

伯魚之母出而死。父在爲母期而有禫。出母則無禫。伯魚乃夫子爲後之子。於禮無服。期可無

哭。而猶哭。故夫子止之。

夫子聞之曰。誰與哭者。

言誰人哭也。

門人曰。

鯉也。夫子曰。嘻。其甚也。伯魚聞之。遂除之。

闕里譜

系伯魚學通儒術。魯哀公以幣召之。稱疾不行。

長府

按左傳昭公二十五年。公居於長府。九月。遂伐季

氏。入其門。杜註謂長府。官府名。論語鄭註謂長府。

藏名。藏貨財曰府。朱子因之。意府必與季氏居相

近。故公居之。將出不意而攻季氏也。閻氏若璩謂

魯公微弱。將攻權臣。必先據藏財貨之府。庶可以

結士心亦一解。但魯始終未改作長府。殆因閔子之言而中止歟。

貨殖 億則屢中

史記

貨殖傳

子貢仕於衛。廢著

貯也。擇人所廢者。積貯之以待價。

鬻財

酌物貴賤以殖貨。

於曹魯之間。七十子之徒。賜最爲饒益。結

駟連騎

馬乘之多。

束帛之幣

幣帛之盛。

以聘享諸侯。所至國君

無不分庭與之抗禮

以禮出入諸侯之庭。

春秋左傳

定十五年。

邾

隱公來朝

朝于魯。

子貢觀焉。邾子執玉

來朝所執之玉。

高其容

仰

容儀甚傲。

公受玉卑。其容俯

容儀卑遜。

子貢曰。正月相

朝

歲首來朝。

而皆不度

不合於禮。

心已亡矣

心神散失。則容貌失度。

何以

能久高仰驕也卑俯替也懈情驕近亂驕傲則必致亂替近

疾神懈則必致疾君為主邾子來朝則魯君為主其先亡乎夏五月公

薨仲尼曰賜不幸言而中是使賜多言者也夫子謂子貢言

出如不中將來尙知致慎於言不幸此次言出而中將必益致多言矣蓋以戒子貢之輕言也

哀士夏孔丘卒公魯哀公誅累其功德之誅辭見中子

貢曰君其不沒於魯乎夫子之言曰禮失則昏名失

則愆失志為昏失所為愆生不能用死而誅之非禮

也稱一人誅辭內哀公自稱一人非名也天子方稱一人諸侯稱一人則僭矣君

兩失之禮與名兩失也家語孔子在衛聞齊田常將移其

兵以伐魯孔子會諸弟子曰魯父母之國不可不救

子貢請使許之遂如齊說田常說吳說越說晉齊因

伐魯吳乃伐齊晉承吳敝伐吳而越亦襲吳滅焉孔子曰夫其亂齊存魯吾

之始願言吾始意祇教若能強晉以弊吳使吳亡而

越霸者賜之說也由賜之遊說所致美言傷信言其說雖美而失實慎

言哉患其多言也按是亦億中之一端也

柴子羔名又稱季羔檀弓稱子臯齊人高樸十代孫唐宋歷贈爵明改稱先賢高子本朝

因之

家語高柴長不過六尺狀貌甚惡為人篤孝而有法

少居魯見知名於孔子之門仕為武成魯地今屬山東費縣宰

又高柴自見孔子出入於戶未嘗越履禮也足不履

影啓蟄春分蟄蟲啓戶之期不殺不殺生也方長不折樹枝方長則不折之不肯

也傷生又季羔爲衛之士師。別人之足。俄而衛有蒯

賁之亂。季羔逃之。走郭門。別者即前爲季羔所別者守門焉。謂

季羔曰。彼有缺。牆有缺處季羔曰。君子不踰。又曰。彼

有竇。彼牆有穴季羔曰。君子不隧。從竇出也又曰。於此有

室。季羔乃入焉。既而追者罷。季羔將去。謂別者曰。吾

不能虧主之法。而親別子之足。今吾在難。此正子之

報怨之時。而逃吾者三。何故哉。別者曰。斷足。固我之

罪。曩者臨當論刑。君愀然不樂。君豈私臣哉。非有私怨於臣

言其用刑秉公也。孔子聞之曰。善哉爲吏。其用法一也。思仁

恕則樹德。加嚴暴則樹怨。公以行之。秉公以行罰也。其子羔

乎。禮記檀弓。高子臯之執親之喪也。泣血三年。未嘗

見齒。不大笑而見齒也。君子以為難。又成人有其兄死而

不為衰者。不持兄服也。聞子臯將為成宰。遂為衰。以子臯最孝。畏

責而成人曰蠶則績而蟹有匡。蟹鼓似匡。然非范也。

則冠。蜂首似冠。而蟬有綏。蟬有鬚似冠之有綏。兄則死而

子臯為之衰。成人之衰非為兄。乃為子臯之來。似蟹蟬之匡。綏非為蠶范之績冠也。

春秋左傳。哀十衛侯輒來奔。時蒯聵潛入衛。逐輒將自立。季子

將八。聞難而來。遇子羔。時子羔與子路同仕於衛。將出。將出曰。門已閉

矣。季子曰。吾姑至焉。子羔曰。弗及。言政不及已。不踐其難

季子曰食焉

食其祿

不避其難子羔遂出子路入石乞

孟獻敵子路以戈擊之孔子聞衛亂曰柴也其來由

也死矣

以柴之為人篤謹必不輕於死難故知其必死來以由之好勇已甚必不避難故知其必死

季子然

平子意如之子桓子之弟為魯大夫習見其父逐昭公常懷不法之心故自多

其家得臣由來夫子折之亦復詞嚴義正也

社

見中庸郊社條

稷

穀神也

周禮

地官小司徒

凡建邦國立其社稷

諸侯有三社三稷謂國社侯社勝社

皆有稷以配之旣言社而不言稷者皆文也

又

春官小宗伯

掌建國之神位

右社稷左宗廟

禮記

祭法

厲山氏

炎帝

之有天下也其

曾點
曾皙
曾點

子曰農能殖百穀夏之衰也周棄後繼之故祀以為

稷。白虎通王者所以有社稷何為天下求福報功

人非土不立非穀不食故封土立社示有所尊稷五

穀之長故封稷而祭之也

曾皙

曾點字也武城人曾參之父。唐宋歷贈爵明改稱先賢曾氏。本朝因之

家語曾點疾時教不行教化不欲修之孔子善焉

禮記

檀弓季武子寢疾螭固

魯人

不說齊衰而入見

因時適有

以服故即及其喪也曾點倚其門而歌

曾點蓋狂士也此見螭固

之存古禮而譏曾點之廢禮也

饑饉

穀

穀

爾雅穀不熟為饑。蔬菜也不熟為饑。果不熟為荒。仍重也

饑為荐。

春秋穀梁傳

襄二十四年

一穀不升謂之嗛。二

穀不升謂之饑。三穀不升謂之饑。四穀不升謂之康。

五穀不升謂之大祲。

會同。

見中庸朝聘條。

按註謂時見曰會。言無常期也。諸侯有不順服者。王將討之。則既朝覲。王為壇于國外。合諸侯而命事焉。殷見曰同。言眾見也。王十二歲不巡狩。則六服盡朝。朝畢。王亦為壇。合諸侯以命政焉。所命之政。如王巡狩。故會同為諸侯朝天子之禮。作諸侯。

相會盟者誤春秋諸侯方私相會非王制也會同各異其事以會

同為一者亦誤也

端章甫

端元端染以元色衣無文而布幅端正故名章甫與緇布冠同蓋相禮者之服

也

儀禮

士冠

元端元裳

按元端即朝服之衣天子朝日聽朔皆服元端又為齋服禮記

謂諸侯元端以祭是也蓋在朝則君臣上下同服元端但異其裳耳士相禮者亦得服此其制用緇色布

十五升正幅為之故謂之端袂廣二尺二寸大夫以上則袂侈二尺三寸

又

郊特牲

委貌

周道也章甫殷道也

語追其猶推也以其形名之

夏后氏之道

也

三者皆緇布冠三代各異其名其制亦大同小異

又

儒行

孔子曰丘少居

魯衣逢

大掖肘腋也掖寬大

之衣長冠章甫之冠

按章甫為殷冠周之禮冠

毋章
追音堆

亦用之。故相禮者服之也


元

端

圖



緇布冠圖



按章甫與緇布冠皆


以漆布爲之其制同

而形微小異緇布冠

無筭有筭則冠上以

頰卽帽帶圍髮際結頂

章甫冠圖



中項中有繩即結也亦以頰爲之。

小相

周禮秋官司儀掌九儀之賓客九命之儀擯相之禮。出接賓曰擯入贊禮曰相。以治儀容辭令揖讓之節。按相即上擯承擯紹擯之類。詳見上論擯條。

沂魯地今屬山東沂水縣。

水經注沂水出魯城東南尼邱山西北即顏母所祈而生孔子者也平地發泉流逕魯縣故城南

雩

禮記金月仲夏之月命有司為民祈祀山川百源衆水所出

大雩帝用盛樂乃命百縣雩祀百辟卿士謂古者上公句龍后

稷之類有益於民者以祈穀實又祭法雩宗壇名祭水旱

也周禮春官司巫若國大旱則帥巫而舞雩又女巫旱

暵則舞雩女巫舞雩崇陰以致雨也春秋左傳桓五年凡祀啓蟄

而郊祭天龍見龍宿出見而雩孟夏之時

按雩禮祈雨之祭使童男女舞之或為號呼之聲

雩官漢

天子諸侯皆得行之然天子所雩者上帝故曰大
諸侯所雩止境內之山川舞雩之處有壇墠樹木
可以休息。

顏淵第十二

司馬牛

司馬耕字也宋人姓向氏桓魋之弟墓在今山東泰安府地唐宋歷贈爵明改

稱先賢司馬子

本朝因之

春秋左傳

哀十四年

向魋

即桓魋司馬牛之兄

八於曹

即曹國時為宋所滅

以

叛使

宋公使也

左師巢

即向巢

伐之

而魋奔衛司馬牛

時為衛大

夫

致其邑與珪

守邑符信

而適齊

司馬牛因兄向魋作亂故不安於衛而適齊

向魋奔齊

魋自衛復奔齊

陳成子

齊卿

使為次卿司馬牛又致

其邑焉而適吳

時牛在齊已受邑為大夫。雖來奔齊，牛不欲與之同處。故復還邑而適吳。

吳人惡之而反

司馬牛因吳人見惡，故反魯。

卒於魯郭門之外

外也。阮氏

魯人。

葬諸邱

魯地，今屬山東泰安府。蓋憫賢者死，失其所也。

棘子成

衛大夫，失其名。子成之後改姓棗。

虎豹之鞶

易

卦革

九五。大人虎變。象曰：大人虎變，其文炳也。上六

君子豹變。象曰：君子豹變，其文蔚也。

九五為君位，故取象于虎。上六

為臣位，故取象于豹。炳，蔚皆文章燦著之意。

禮記

郊特牲

虎豹之皮示服

猛也

諸侯朝聘相饗，則陳庭實，內有虎豹之皮。

周禮

夏官射人

其鞶

所執孤之鞶。

執皮

天子之孤執虎皮，諸侯之孤執豹皮。

帛

尸子：虎豹之駒雖未成

文已有食牛之氣

言其盛也

列女傳南山有文豹霧雨

七日而不下食者欲以澤毛羽而成文章也

按虎豹之皮原

取其文狂而有文章今祇云韜則毛之不存已無文章之足貴其與犬羊之韜何別哉

徹

詩

大雅篤公劉

徹田爲糧

此卽周之井田制也公劉夏時諸侯而言徹者以其十分取一

其名本相通周之徹法自此始蓋耕則通力合作收則八家計畝均分八家又復同治公田故謂之徹所謂助而不稅也詳見孟子對滕文公語

二

春秋左傳

宣十五年

初稅畝

周行徹法蓋十分而取一魯宣時以國用不足既十分取

一又復履八家之餘畝十取其一所謂二也後遂以爲常法至哀公復以用不足問有若故有若勸其節

用而行敵法也。非禮也。穀出不過藉藉民力以治公田。所以

豐財也。即所謂百姓足君孰與不足之意。

按魯哀七年。遂行邱賦之法。於履畝而稅之外。又

復別按其田與家財而加賦。民重困矣。此又不止

十分取二而已也。

齊景公名杵臼。靈公之子。莊公異母弟。崔杼弑莊公而立之。是為景公。

史記齊世三十二年齊景公三十二年也。彗星見。景公坐栢寢

名。寢宮。歎曰。堂堂誰有此乎。羣臣皆泣。晏子笑。公怒。晏

子曰。君高臺深池。賦歛如弗得。刑罰如弗勝。弗星即

星。將出。彗星何懼乎。言功作太過。賦刑太重。彗星尙將出。豈獨彗星見而遂懼乎。

鄭音佩

瘡音介
瘡音占

公曰可禳禳祭以祈福也否晏子曰使神可祝而來則亦可

禳而去也百姓苦怨以萬數而君令一人禳之安能

勝衆口乎是時景公好治宮室聚狗馬奢侈厚賦重

刑故晏子以此諫之四十八年與魯定公好會夾谷

今山東淄川縣地景公害孔丘相魯懼其霸從犁鉏之計犁鉏

勸其因衆人爲樂而執魯君方會進萊樂萊夷之樂孔子歷階上使有

司執萊人斬之以禮讓也景公景公慙乃歸魯侵地

以謝而罷去春秋左傳昭二年齊侯疥瘡遂疔瘡之甚

期而不瘳梁邱據與裔款二子皆齊嬖大夫言於公曰是祝

史之罪也言事鬼神不豐故致疾也公說告晏子晏子曰若有德

曰書多辟矣卷九 顏淵上三 音遠堂

之君其祝史薦信。以君德實陳於鬼神。無愧心矣。是以鬼神用

饗其言。忠信於鬼神。其適遇淫君。外內頗邪。不正也。上

下怨疾。其祝史薦信。是言罪也。其蓋失。掩蓋其失。數美。敬陳

其美。是矯誣也。矯妄其言而誣神也。是以鬼神不享其國。以禍之

其言僭慢於鬼神。公曰。然則若之何。對曰。不可為也。

縣鄙之人。入從其政。言役使無節。偪介之關。偪近國都之關。暴征

其私。徂歛過重。民人苦病。夫婦皆詛。詛罵。祝有益也。詛亦有

損。君若誅於祝史。修德而後可。公說。使有司寬政。毀

關。去禁。薄歛。已責。通父。又齊景公至自田。晏子侍於

過臺。臺名。子猶。梁邱據也。馳而造焉。公曰。惟據與我和。夫晏

責責

子對曰。據亦同也。焉得爲和。公曰。和與同異乎。對曰。異。和如羹焉。齊之以味。濟其不及。以洩其過。君子食之以平其心。君臣亦然。今據不然。君所謂可。據亦曰可。君所謂否。據亦曰否。若以水濟水。誰能食之。同之不可也。如是。飲酒樂。公曰。古而無死。其樂若何。晏子對曰。古而無死。則古之樂也。君何得焉。昔者爽鳩氏少皞氏始居此地。季荊因之。虞夏時有逢伯陵因之。殷周之諸侯。而後太公因之。古若無死。爽鳩氏之樂。非君所願也。昭二十六年又齊侯與晏子坐於路寢。正公歎曰。美哉室。其誰有此乎。晏子曰。敢

問何謂也。公曰：吾以為在德。對曰：如君之言，其陳氏乎？公曰：是可若何？對曰：惟禮可以已之。禮之可以為

國也久矣。與天地並。有天地則禮義興。君令臣共，父慈子孝。

兄愛弟敬，夫和妻柔，姑慈婦聽。聽姑之教。禮也。公曰：善哉。

寡人今而後聞此禮之上也。尊也。又哀五齊燕姬。齊景

公夫人。生子不成。未冠而死。鬻姒。景公之妾。之子荼。即景公之孫。嬖諸

大夫，恐其為太子也。言於公曰：君之齒長矣，未有太

子，若之何？公曰：二三子亦姑謀樂，何憂於無君？景公意欲

立荼而未發，故以此塞大夫之請。公疾，使國惠子高昭子立荼，寘羣

子於萊。齊地，今屬山東高密縣。恐其爭立也。秋，齊景公卒。冬，十月，公子

嘉公子駒。公子黔奔衛。公子鉏。公子陽生來奔。奔魯也。

即羣公子。萊人歌之曰：景公死乎？不與埋。公子皆出奔，無人埋。

之。三軍之事乎？不與謀。無人謀三軍之事。師。衆也。於師乎？何黨

所也。之乎？言國已無主，衆人將安歸乎？後公子荼立，是爲景孺子。陳乞逐高昭子殺之，使人之魯，召

公子陽生立之，是爲悼公。按：景公遜於牛山，臨城流涕而歎，事載孟子牛山條。

按：陳氏在齊，以大斗與民，以小斗歛，專務樹私恩。

爲邀結之術，而景公方煩刑厚歛，侈心於宮室狗

馬之好。雖晏子屢以直諫發其端，勸其守禮以弭

其禍。景公雖知而不能發憤有爲，此所謂君不君。

臣不臣也。終以嬖愛少子繼嗣莫定，而陳氏遂得

逞其篡弑之謀。此又所謂父不父子不子也。景公蓋有爲善之質而無爲善之才。姜氏亡而嫡氏昌。雖曰天命。豈非人事哉。

片言折獄 無宿諾

春秋左傳

哀十四年

小邾射

小邾之大夫

以勾繹

小邾之邑。今屬山東滕縣

來奔。

挾邑以奔魯。

曰。使季路要我。

以一言爲信。

吾無盟矣。

并挾邑來

奔者。必使共立盟誓。以示相與以誠。子路以明信見重於時。故小邾射以勾繹奔魯。欲子路之結以一言不必別立盟誓也。使子路魯君使也。子路辭。季康子使冉有謂之。

曰。千乘之國不信其盟。

言不信魯國之盟。

而信子之一言。子

何辱焉。

何辱而不肯也。

對曰。魯有事於小邾。

有攻伐之事。

不敢問。

故。不敢問何事往伐。死其城下可也。奮勇以戰。死無憾也。彼不臣而濟

其言。小邾射叛其君而以邑來歸是叛逆之臣而濟其言是以是義之也。逆叛

之臣而濟其言是以其事為義所宜然也。由弗能。

按片言折獄。子之稱子路必有所見。而記者遂以

其無宿諾証之。註謂子路忠信明決。故言未畢而

人已信服。今觀小邾射來奔。不信國君之盟。而信

子路之邀。則子路之見信當時。概可知矣。更讀其

堅辭小邾射之語。愈見其不輕諾。是以能信。亦惟

不輕諾。是以無宿諾也。

伊尹。力牧之後。或曰伊耆氏之後。名摯。仕商為阿衡。呂氏春秋曰。有仇氏女。採得嬰兒於

空桑。後居伊水。故命曰伊尹。或云。伊尹生於空桑。空桑地名。非真桑也。

史記

殷本紀

伊尹名阿衡

因後為阿衡之官。故即以名之。

阿衡欲干湯

而無由乃為有莘氏

湯如有莘氏女也。

媵臣

送女同歸。

負鼎俎以

滋味說湯致於王道

割烹要湯說本附會。故孟子辨之甚力。

或曰伊尹

處士湯使人聘迎之五反然後肯往從湯湯舉以任

國政伊尹去湯適夏

此蓋湯薦之桀桀不能用。所謂五就湯五就桀是也。

既醜

有夏復歸於亳

今河南偃師縣地。

大紀成湯薦伊尹於桀

桀與羣臣沉湎於酒伊尹進諫曰君王以酒色之微

雍

塞滯。

天命而不理失人心而不圖反是為善善則祥

集習是為不善不善則殃來君王宜留意焉伊尹自

毫凡五適夏告以堯舜之道桀終不聽書新序桀

作瑤臺罷民力殫民財為酒池糟隄縱靡靡之樂伊

尹知天命之至去夏而至商舉觴而告桀曰君王不聽臣

之言亡無日矣桀啞然而笑曰子何妖言吾有天下

如天之有日也日亡吾乃亡耳於是尹接履履相而

趨趨言趨遂適商就湯湯立為相故伊尹去夏歸毫商

王而夏亡大紀商王二十有一祀大旱伊尹言於

王發莊山山名之金鑄幣通有無於四方以賑救之民

是以不困書伊訓惟元祀湯崩而太甲新立伊尹祠祭也於先

王湯也奉嗣王祗敬也見厥祖百官總已以聽冢宰天子諒闇

則伊尹攝位以臨政伊尹乃明言烈祖湯也之成德以訓於王伊作

訓一篇語詳書經又伊惟嗣王不惠順也於阿衡伊尹作書

即太王惟庸尋常罔念聞無所念聽伊尹曰茲乃不義習

與性成子弗狎於弗順不使與不順之人相狎處營於桐宮今山西

喜縣地湯所葬處營宮室於此地密邇先王其訓親近先王而思其訓誨無但

世迷可以感悟而不至久迷也王徂往也桐宮居憂克終允德主居憂悔

過故終實有德於身惟三祀十有二月剋伊尹以冕服吉服奉嗣

王歸於亳三祀終喪而太甲已悔悟修德故又成

德伊尹既復政厥辟太甲復位而伊尹即告老故復政於君將告歸乃

陳戒於德恐太甲德不純一任川非世紀沃丁太甲

子八年伊尹卒年百有餘歲大霧三日沃丁祀以太牢親臨以報大德沃丁既葬伊尹於亳其相咎單遂紀謂沃丁葬伊尹以天子之禮恐屬誇誕之辭孔氏穎達謂葬以三公禮庶為得之伊尹墓去湯冢七里大戊時其子伊陟復為相

子路第十三

赦小過

易

解卦

象曰雷雨作解

雷雨交作草木皆發榮滋長有解象焉

君子以赦

過宥罪

亦解之意

周禮

秋官

司刺掌三赦之灋以贊司寇

聽獄訟一赦曰幼弱

幼弱無知而犯法故可赦

再赦曰老旻

九十曰耄

老旻筋力已衰不可受刑故有過則赦

三赦曰惷愚

惷愚無知故有過亦宜赦

書

典刑青災過悞赦也又大禹謨宥過無大過悞雖刑

故無小故犯雖罪疑惟輕罪有疑則功疑惟重功有疑則

從重受賞又呂刑五刑之疑有赦五刑有疑則赦五罰之

疑有赦五罰有疑則赦其審克之審詳以文中子

無赦之國其刑必平禮記王制凡作刑罰輕無赦言

家立法制刑雖輕無赦所以使人難犯以見君子子刑罰不可不盡心詳慎毋輕加人以罪也

舉賢才

禮記王制命鄉論秀士升之司徒述其德行曰選士司

徒論選士之秀者而升之學太學曰俊士才過升於司

徒者不徵征於鄉免其鄉升於學者不徵於司徒免

司徒之役。曰造士。成就其才德也。

又大樂正論造士之秀者以

告於王而升諸司馬。司馬掌爵祿凡八。化者皆司馬掌之。司馬辨論官

材論進士之賢者以告於王而定其論。論定然後官

之。試以官事。果能勝任。然後爵之。加之。位定然後祿

之。受祿。周禮地官大司徒以鄉三物教萬民而賓興之。舉

而未授官。猶為之一曰六德。智。仁。聖。義。中。和。二曰六行。孝。友。睦。姻。

任。三曰六藝。禮。樂。射。御。書。數。又鄉大三年則大比考其德

行道藝而興賢者能者鄉老及鄉大夫羣吏獻賢能

之書於王王再拜受之。重其事也。登於天府內史貳

之。為之。此謂使民興賢。舉人共。出使長之。山為都鄙之長或為

四書考輯要 卷九 子路 六 音壹堂

諸侯使民興能衆人共舉能者入使治之還入于鄉或爲比長隣長以治民也

衛君謂出公轡也見上論衛君條

稼老農同

周禮天官太宰以九職任萬民。一曰三農平地山澤也生九穀

黍稷秬秠麻大小豆大小麥又地官大司徒以土宜之法辨十有二

壤之物而知其種以教稼穡樹藝。又不易之地土

年年可以種植者家百畝同畝一易之地須隔年方能一種者家二百畝

使有所更易再易之地地之下者須隔二歲方可一種家三百畝。又閭

凡任民任農以耕事貢九穀。國語齊語今夫農脫衣

就功首戴茅蒲身衣襍褊褊衣褊衣濡體塗足暴其髮膚盡

其四支之敏。以從事於田野。

圃

毓音

周禮

天官太宰

以九職任萬民。二曰園圃。

毓長也。

草木。

又

地官大司徒

頒職事於邦國都鄙。使以登

進而成之。

萬民。一曰

稼穡。二曰樹藝。

師場圃以毓草木也。

又

師闢

凡任民任圃以樹

事。

樹植之事。

貢草木。

謂葵韭果蓏之屬。以此為稅也。

衛

古朝歌地。今河南淇縣是。武王克殷。封紂子武庚于朝歌。治殷遺民。命管叔蔡叔監之。武

王崩。管蔡流言。武庚叛。周公以成王命。興師誅武庚。即以殷餘民封康叔為衛侯。

史記

衛世家

封康叔

武王母弟。

為衛君。居河淇間。故商墟。成

王長。舉康叔為周司寇。賜衛寶祭器。

左傳云。分康叔以大路大旗。少

帛綺花旃旌

以章有德

十五傳至懿公為狄人所滅宋桓公立衛戴公以廬于曹

戴公卒文公繼立而衛始興魯僖二年齊桓公伐狄

為衛築楚邱在今河南滑縣其後衛貶驢曰君傳至

君角秦二世

廢為庶人

春秋左傳

閔二

衛文公大布之衣

粗布

衣

大帛之冠

厚縉之冠

務材

蓄材木以立門戶

訓農

訓飭農事

通商

通達

商旅

惠工

加惠百工

敬教

敬重五教

勸學

勸勉為學之士

授方

授以百事之宜

任

能

在才能之士

元年革車三十乘季年乃三百乘

言文公能勤儉

以立國招懷散亡故能致十倍之衆以興也

公子荆

字南楚衛公子也仕衛為大夫

春秋左傳

襄二十九年

吳公子札適衛說公子荆曰衛多

君子未有患也

按公子荆在衛。大約儉而寡營。恭而有禮。無世俗
怙侈之習。故夫子特舉其居室之善。以風世。季札
適衛。一見相說。蓋亦窺人于微也。

漢明帝尊師重傳。臨雍拜老。註

通鑑綱目。漢明帝幸辟雍。初行。養老禮。以李躬為三

老。以其老而知天地人之事。桓榮為五更。以其老而知五行更代之事。遣使安

車迎三老。五更。于太學講堂。天子迎于門。屏交禮。引

桓榮及弟子升堂。上自為下說。諸儒執經問難于前。

冠帶搢紳之人。圜橋門。辟雍之門。而觀聽者。蓋億萬計。明

帝自為太子。受尚書于桓榮。及即帝位。猶尊榮以師

禮常幸太常府會百官及榮門生數百人明帝親自執業。

唐太宗大召名儒增廣生員

註

唐書

儒學列傳

高祖始受命詔有司立周公孔子廟於國

學貞觀六年詔罷周公祀更以孔子爲先聖顏氏爲

先師盡召天下惇師

惇厚之師

老德

老成之德

以爲學官數臨

幸觀釋菜命祭酒博士講論經義賜以束帛能通一

經者得署吏廣學舍千二百區諸生員至三千二百

自元武屯營飛騎皆給博士受經能通一經者聽入

貢限四方秀艾

卽秀又也

挾策負素

負其素業

全集京師文治

蔚然勃興。

魏徵獻陵之對註

通鑑綱目唐太宗文德皇后既葬太宗念后不已於

苑中作層觀以望昭陵后陵名嘗引魏徵同登使視之

徵熟視曰臣昏眊不能見帝指示之徵曰臣以為陛

下望獻陵唐高祖陵名若昭陵則臣固見之矣帝泣為毀

觀夫子明知冉子所議為政而故言為事以見國政不當議於家與魏徵明知所望為昭陵而故言望

獻陵以見層觀之不應作其意正畧同

莒父以莒子始封得名後屬魯今山東莒州地

巫

春秋左傳

僖十年

秋狐突

晉大夫

適下國

曲沃新城也。在晉之下。

遇

太子

太子申生時已死。遇其魂而狐突遂如夢語也。

告之曰

夷吾

惠公名

無禮

蓋指夷吾蒸于賈君事。

子得請於帝矣

請於帝以罪之

又曰

七日新城

西偏將有巫者而見我焉

又

成十年

晉侯

晉景公

夢大

厲被髮及地搏膺而言曰殺余孫不義

八年晉殺趙同趙括蓋趙

氏之先祖為厲也。

余得請於帝矣公懼入於室

入室以避此皆夢中之語

公覺召桑田巫

處於桑田之巫

巫言如夢公曰何如曰不食

新矣

言將死不及食新麥

公疾病六月晉侯欲麥

欲當新麥

使甸人

獻麥召桑田巫視而殺之

以其言不驗也

將食張

腹脹

如廁陷

陷於廁也。而卒

醫

通鑑前編神農氏製醫藥

說文巫咸

黃帝臣

初作醫

外紀黃帝命俞跗岐伯雷公察明堂

人身明堂

究息脉

巫彭桐君處方

醫方餌藥

而人得以盡年

黃帝有素問內經若干卷

春秋左傳

成

公

晉景公也

疾病求醫於秦秦伯使醫

緩

醫名為之

使往治晉疾

未至

尚未至晉也

公夢疾為二豎子

疾化為人

曰彼良醫也懼傷我焉逃之其一曰居有

心豎也

之上膏

心下為膏

之下若我何醫至曰疾不可為也在膏

之上膏之下攻之不可達之不及藥不至焉公曰良

醫也厚為之禮而歸之

又

昭元年

晉侯

平公

有疾求醫

於秦秦伯使醫和

名醫

視之曰疾不可為也出告趙孟

曰淫溺惑亂之所生也於文皿蟲為蠱穀之飛亦為

蠱

穀久則生蟲

在周易女惑男風落山謂之蠱

此言易象言物受風

則生蟲

皆同物也

易象與文

趙孟曰良醫也厚其禮而

歸之

不恒其德或承之羞

易

恒卦

九三

位雖得正然以陽居陽過剛不中不能久於其所

不恒其德

言其性躁

動

或承之羞

人皆羞之

貞吝

雖正亦有吝也易言九三過剛之象夫子引易爻辭又以

見人不可無恒如此學者正宜玩其占也

四書考輯要卷九終

吳門穆大庭局刻

四書考輯要卷十

桂林陳宏謀榕門輯

孫蘭森編校

論語

憲問第十四

羿有窮氏之君也偃姓

書五子之歌太康尸位居其位而不理其事如尸之居以逸豫樂也滅厥德

黎民咸貳也有窮國名今山東德州地后羿因民弗忍距於

河以兵阻太康於河遂廢之春秋左傳襄四年魏絳晉大夫曰昔有

夏之方衰也后羿自鉏今河南滑縣地遷於窮石即有窮因夏

民以代夏政

太康淫放失德夏人立其弟仲康復微弱不振仲康卒子相立羿遂代相

恃

其射也

射善

不修民事而淫於原

原

獸棄武羅伯因

熊羆羆圉

四子皆羿之賢臣

而用寒

國名今山東濰縣地

寒浞

寒國

伯明氏

夏時

之讓子弟

好讓之

也伯明后

伯明氏君

寒棄

之

惡其好讒置之冷地而不用

夷羿

即后羿

收之

收錄之也

信而使之

信

之

以爲已相浞行媚於內

宮

而施賂於外愚弄其民

而虞

樂也

羿於田

以田獵樂之

樹

立也

之詐慝以取其國家外

內咸服

信服

羿猶不悛

改也

將歸自田家衆

羿之家臣

殺而

烹之以食其子

以羿之肉食羿之子

其子不忍食死於窮門

國

靡臣

夏遺

奔有鬲氏

國名今山東德平縣地

浞因羿室

就其妻妾

生澆

獐音係

獐音甲
獐音俞

也。即羿及獐恃其讖愚詐僞而不德於民。不施德於民。使澆

用師滅斟灌。國名今山東壽光縣地。及斟尋氏。亦國名今山東濰縣地。處

澆於過。今山東掖縣地。處獐於戈。今河南歸德府屬地。廢自有鬲氏收

二國。斟灌斟尋。之燼。餘民。以滅浞而立少康。夏后相子。少康滅澆

於過后杳。少康子。滅獐於戈有窮由是遂亡。淮南子

初唐堯時有名羿者善射。淮南子又謂堯時十日並出使羿射九日而落之按

堯時猶是天也。安得有十日並出之事。即有十日。羿

雖善射。矢雖能及遠。亦安能射日而落之。所謂日者

殆亦如今之箭把。畫日之形。以其小而難射。故射中

為能羿蓋十射而九中。所謂矢貫紅心也。遂訛傳為

能落九日耳。又誅九嬰。水火怪獸能食虎。之屬有功於天

下。人皆祀之。夷羿慕其為人。因名曰羿。

四書考輯更人卷十 憲問 二 立素堂

冢

荷姓。寒泥之子。即澆也。力能陸地行舟。

春秋左傳

哀元年

伍員曰昔有過澆

鹿封

殺斟灌以伐

斟尋滅夏后相

夏后仲康子

后緒

后相妻

方娠歸於有仍

夏時

諸侯言后緒逃歸其國也

生少康焉為仍牧正

毒也

澆能戒之

能戒

備澆之毒害

澆使椒

澆臣

求之

求而殺之

逃奔有虞

今河南虞城縣地

為

之庖正能布其德以收夏衆使女艾

少康臣

謀

使殺之

澆使季杼

少康子

誘殪

澆弟

遂滅過

國

復禹之績

少康滅澆

殪遂復立為天子

禪讓

鄭大夫

春秋左傳

襄二十九年

十二月鄭六夫盟於伯有氏

鄭大夫也

助伯有恣肆將為亂故為盟以定之。裨諶曰是盟也其與幾何。言不能久禍

未歇也。然明日政將焉往。裨諶曰其焉辟子產。舉不

踰等。公舉執政之人必以職位大小次第舉之。則位班也。子產班位。擇善

而舉。舉執政必擇有德者。則世隆也。子產之德為世所隆。天禍鄭久矣其

必使子產息之。言子產將為政也。又襄三十一年裨諶能謀。善於

謀。謀於野。清閑之地。則獲。得其謀於邑。喧囂之地。則否。蓋裨諶性喜寬

閑。故謀事在郊野清曠之地。則所謀必當。如謀於城

邑煩喧之地。則此心雜亂。不能定謀。此其才性之偏

鄭之為命。川裨諶草創者。正以其善謀也。

世叔。鄭大夫。姓游。名吉。公子偃之孫。故又號偃氏。即子太叔也。

春秋左傳

襄二十七年

鄭伯享趙孟於垂隴

鄭地。今河南滎陽縣地。

趙孟曰。七子從君。

時子展。伯有。子西。子產。子太叔。印段。公子段從。

以寵武。

趙孟

名也。請皆賦以卒君貺。子太叔賦野有蔓草。

詩鄭風。取其邈

近相遇。適我願兮。

趙孟曰。吾子之惠也。

又襄三十一年

子太叔

美秀而文。

其貌美。其文秀。故能討論鄭國之命也。

又昭三年

鄭游吉如

晉送少姜。

晉侯夫人。

之葬。梁丙與張趯。

二子皆晉大夫。

見之。梁丙

曰。甚矣哉。子之為此來也。子太叔曰。將得已乎。昔文

襄

晉文公襄公。

之霸也。其務不煩諸侯。

不使諸侯時來聘問而煩瀆于行。

今嬖寵之喪而數於守適。

理數等於適夫人。

唯懼獲戾也。豈

敢憚煩。少姜有寵而死。齊必繼室。今茲吾又將來賀。

不唯此行也。張趯曰。然自今。子其無事矣。晉將失諸

侯音政令無常將失諸侯諸侯求煩不獲言不能復煩諸侯二大夫退

子太叔告人曰張趯有知其猶在君子之後乎言張趯雖

有知而不能為尊者諱也又昭九年游吉相鄭伯以如晉賀虎祁

晉之宮名也史趙見子太叔曰甚哉其相蒙也可弔

也而又賀之言窮土木興怨謗是可弔也而又來賀子太叔曰若何弔

也其非唯我賀將天下實賀言諸侯畏晉也又昭十六年四月

鄭六卿餞宣子韓起於郊宣子曰二三君子請皆賦起

亦以知鄭志詩以言志子太叔賦褰裳詩鄭風詩言子惠思我褰裳涉溱子

不我思豈無他人宣子曰起在此敢勤子至於他人乎子太

叔拜謝宣子之言宣子曰善哉子之言是不有是事其能

終乎。言晉鄭所以終相善

又昭二十一年

鄭子產有疾謂子太叔曰

我死子必為政。唯有德者能以寬服民。其次莫如猛。

疾數月而卒。太叔為政。不忍猛而寬。鄭國多盜。取也。劫

人於萑苻之澤。

澤名。今河南中牟縣地。於澤中劫人也。

太叔悔之曰。吾

早從夫子。

謂子產

不及此。興徒兵以攻萑苻之盜。盡殺

之。盜少止。

又昭二十四年

鄭伯如晉。子太叔相。

相禮

見范

獻子。

范

獻子曰。若王室何。

時王室有亂。故范獻子以為問。

對曰。老夫

其國家不能恤。敢及王室。

言不敢及王室之事。

抑人亦有言曰。

嫠婦。

寡

不恤其緯。

織布之緯

而憂宗周之隕。

隕墜敗亂也。

為將及

焉。

恐禍及已。

今王室實蠢蠢。

動擾

焉。然大國之憂也。獻子

懼而與宣子

起韓

圖之乃徵會於諸侯

會諸侯以定王室也

又

昭二七

夏會於黃父

晉地今屬河南封邱縣

子太叔見趙簡子

趙簡子問揖讓周旋之禮焉對曰是儀也非禮也簡

子曰敢問何謂禮對曰吉也聞諸先大夫子產

時子產已

死曰夫禮天之經也地之義也民之行也天地之經

而民實則之則天之明因地之性生其六氣

陰陽風雨晦明

用其五行

金木水火土言六氣合於五行則氣得其正

氣為五味

以五行之氣適

其口體為酸鹹

發為五色

發於外則為青黃赤白黑之五色

章為五

聲

章於物則有宮商角徵羽之五聲

淫則昏亂

過則智昏而色亂

民失其性

過則傷性

是故為禮以奉之

使之節而不過

民有好惡喜怒哀樂

生於六氣是故審則審其法則宜類宜其象類以制六志即六氣

哀樂不失六氣皆統於哀樂乃能協於天地之性是以長久

簡子曰甚哉禮之大也鞅也請終身守此言也又

定四春劉文公王大合諸侯於召陵今河南鄆城縣地晉侯假王命

以合諸侯也鄭子太叔未至而卒晉趙簡子為之臨臨其喪

甚哀曰黃父之會夫子語我九言曰無始亂無為亂首也

無怙恃也富無恃富而淫無恃寵無倚寵而驕無違同無違同人所欲無

敖禮執禮無敖無驕能無恃才而傲物無復重也怒無謀非德無犯

非義鞅敢忘之

按子太叔以美秀之質擅文采之名賦蔓草以餞

趙孟歌褰裳以送韓宣婉而多風蔚然稱善其繼
子產當國則恪守寬嚴之訓勸范鞅平王室語趙
鞅以守禮殆亦善於辭令者宜其討論協宜也

行人

周禮

秋官

大行人掌大賓之禮及大客之儀以親諸侯

又小行人掌邦國賓客之禮籍以待四方之使者

使適四方協九儀

九命之儀

賓客之禮

按行人為掌出使之官周禮所載乃

天子之制諸侯之行人亦同也

子羽

鄭公孫氏名揮字子羽官行人

春秋左傳

襄三十一年

十二月北宮文子

即北宮佗衛大夫

相衛

襄公以如楚過鄭。文子入聘。子羽為行人。馮簡子與

子太叔逆客。

逆文子。

事畢而出。言於衛侯曰：「鄭有禮。其

數世之福也。」

又公孫揮能知四國之為。

知諸侯所欲為。

而

辨於其大夫。

諸侯之大夫。

之族姓。

姓氏所分。

班位貴賤能否。

人才。

之能否也。知是數者則不至犯人而施。又善為辭令。

吐辭。

又復。

雅飭。

又

昭元年。

春。楚公子圍聘於鄭。且娶於公孫段。

鄭夫。

氏伍舉為介。

副將。

將入館。

就國中客舍。

鄭人惡之。

惡其懷詐。

使行人子羽與之言。乃館於外。

舍城外。

既聘。將以眾逆。

以兵入逆婦。

子產患之。使子羽辭曰：「敝邑褊小。不足以

容從者。請墮

城外除地。

聽命。令尹使太宰伯州犁對曰：「君

辱貶也。

寡大夫圍謂圍將使豐氏撫有而室。

將使公孫段之

女撫有爾之室家。

若野賜之。

於郊野之地行禮。是委君貶於草莽也。

唯大夫圖之。子羽曰：小國無罪，將恃大國之安靖已。

而無乃包藏禍心以圖之。

恐因衆而圖伐小國。

小國失恃。

小國失所。

依恃而亡其國。

而懲諸侯。

為諸侯所懲戒。

使莫不憾者，距違君命而

有所壅塞不行，是懼。

違君安靖小國之命而不行是懼。

不然，敝邑館

人之屬也。

守館舍人。

其敢愛豐氏之祧。

言不敢愛其祧廟而使楚不得行昏

禮。

伍舉知其有備也，請垂橐。

弓衣均不載弓示無兵器也。

許之。

按子羽以行人歷聘列國，周知列國之風俗厚薄。

人情好尚。大夫世族之貴賤班次。故能修飾鄭國。命令以輯。懌著稱。觀其辭。楚太子圍之。懷詐聘女。詞婉而嚴。直破其奸。子羽誠善於辭令者乎。

東里

鄭地。註謂子產所居。今河南鄭州有東里書院。子產事詳見上論。

子西

名申。楚平王庶長子。為楚令尹。

春秋左傳

昭二十六年

九月。楚平王卒。令尹子常欲立子

西曰。太子王

昭王也。

弱。

幼弱。

子西長而好善。立長則順。建

善則治。可不務乎。子西怒曰。是亂國而惡君王也。

嫡廢。

立庶而彰。

國有外援。

秦為外援。

不可瀆也。

言立已。秦必來討。

王有

適嗣不可亂也。必殺令尹。令尹懼。乃立昭王。

又

定五。

年王楚昭之在隨也。今湖北隨州地。吳伐楚。楚昭王出奔隨。子西為王

輿服以保路。保安國。國權立也。於脾洩。楚邑。當在今湖北荆州府境。子西不

知王所在。恐國人潰散。故假設王輿服。以收道路人心。且權立國於脾洩之地。聞王所在而

從之。後知昭王在隨。乃率眾從王。又哀元吳師在陳。此夫差也。時方侵陳。

楚大夫皆懼。恐又子西曰。二三子恤不相睦。無患吳

矣。昔闔閭勤恤其民而與之勞逸。與民共勞逸。是以民不

罷勞。民雖勞不怨。死知不曠。民死於王事。自知尸必不至曠棄。吾先大夫

子常易反也之所以敗我也。今聞夫差一日之行。每日所行

之所欲必成。必遂成所欲。視民如讎。而用之日新。用之爭戰。日新

不夫先自敗也已。安能敗我。又哀十初。楚太子建

六年。初。楚太子建

之遇讒也事在昭十九年自城父楚地今屬河南項城縣奔宋又避華

氏宋大之亂於鄭與晉人謀襲鄭鄭人省察也之遂殺

子木太子建字其子曰勝在吳子西欲召之名勝還楚曰吾聞

勝也信而勇舍諸邊境使衛藩焉使為邊境之藩衛葉公沈諸

梁曰子必悔之弗從召之使處吳竟吳之境上為白公今江

南潁州府地請伐鄭欲殺父讎子西曰楚未節政令猶新未得節制也他

日又請許之未起師晉人伐鄭楚救之勝怒曰鄭人

在此言楚與鄭為黨讎不遠矣勝自厲劍磨劍平子子西以告子

西子西曰勝如卵如鳥卵余翼而覆之藉我之翼覆育之言無能為也

楚國第用人次第我死合尹司馬非勝而誰勝聞之曰令

尹之狂也。子西不悛。言並不防備之。吳人伐慎。今安徽潁上縣地。白

公也。即勝也。敗之。請以戰備。與吳戰。取之軍器。獻許之。遂作亂。秋

七月。殺子西。子期於朝而劫惠王。子西以袂掩面而

死。子西不聽葉公之言。縱容白公以致作亂。故死而甚慙。史記孔子世家楚昭王

欲以書社書其社之人民七百里封孔子。楚令尹子西曰。孔

子得據土壤。賢弟子為佐。非楚之福也。昭王乃止。

按子西為楚公子。矯矯自立。幾立為王。而辭榮不

就。以讓德。見稱於時。故或人心重之。而以為問也。

但子西不知白公輕躁好勇。縱之。以致亂國。已乏

知人之識。且沮楚昭王之用孔子。又昧用賢之道。

是其人固不足道。夫子彼哉之意，固譏其無學無識，無足比數，非以其沮昭王用已而致憾也。

伯氏

齊大夫。無考。蓋封於駢邑。適有罪而桓公奪其邑也。

駢邑

齊邑。今屬山東臨朐縣。三百者，其里社人名。其三百古者二十五家為里。三百里乃

七千五百家。

蓋大邑也。

孟公綽

魯大夫。孟氏之族。

春秋左傳

襄二十五年

齊崔杼伐我北鄙，公患之。孟公綽

曰：崔子將有大志。

志在弑君。

不在病我。

不在患魯。

必速歸。何患

焉？其來也不寇。

不為寇害。

使民不嚴。

不過嚴刻，務得民心。

異於他日

此次用師，齊師徒也。歸與他日異。

按孟公綽事跡他無可考蓋廉靜寡欲而乏肆應

之才者

趙今山西趙城縣地

史記趙世家趙氏之先與秦共祖伯益至中衍為帝太戊

御其後世蜚廉有子二人而命其一子曰惡來事紂

為周所殺其後為秦惡來弟曰季勝其後為趙季勝

生孟增孟增幸於周成王是為宅皐狼皐狼生衡父

衡父生造父造父幸於周繆王王造父取驥之乘

並四馬匹兩馬為匹與桃林今陝西潼關廳盜驪驊騮

耳皆馬名獻之繆王盜取名馬繆王使造父御西巡狩

驪音離 驊音華 騮音留 驊音祿

四書考異 卷十 音素堂

見西王母。樂之忘歸。而徐

今江南泗州地。

偃王

徐君名。

反。繆王

日馳千里馬。攻徐偃王。大破之。乃賜造父以楚城。

其

能御之功。

由此為趙氏自造父已下六世至奄父曰公仲。

周宣王時伐戎為御。及于畝。

今山西岳陽縣地。

戰奄父脫宣

王。

王將為戎獲。奄父脫之。

奄父生叔帶。周幽王無道。如晉。事晉

文侯。始建趙氏於晉國。趙宗益興。五世而生趙鳳鳳。

生共孟。共孟生趙衰。事公子重耳。亡奔翟翟以長女

妻趙衰而生盾。凡十九年而反國。趙衰為原。

今河南濟源縣。

地。大夫居原任國政。

自此世執國政。晉士伯謂趙衰為冬日之日。言可愛也。趙居為

夏日之日。言可畏也。傳至趙鞅。是為簡子。

趙於是始號。

趙名晉卿。實

專晉權。簡子卒。毋恤代立。是為襄子。襄子卒。浣立。是為獻子。獻子卒。子烈侯籍立。六年。魏韓趙皆相立。為諸侯。後滅於秦。

魏今河南開封府地。

史記魏世家魏之先畢公高之後也。畢公高與周同姓。

武王之伐紂而高封於畢。今陝西咸陽縣地。於是為畢姓。其

後絕封。為庶人。其苗裔曰畢萬。事晉獻公。獻公十六

年。趙夙為御。畢萬為右。以伐霍。今山西霍州地。耿今山西河津縣地。

魏滅之。以耿封趙夙。以魏封畢萬。為大夫。卜偃晉掌卜大

夫曰。畢萬之後必大矣。萬盈數也。魏大名也。以是始

賞天啟之矣。天子曰兆民諸侯曰萬民。今命之大以

從盈數。

賞以大邑。又名盈數。

其必有衆初。畢萬事晉。遇屯之比

辛廖占之曰吉。屯固。

遇險固守。

比入。

為衆所歸。

吉孰大焉。其必

蕃昌。畢萬封十一年。晉獻公卒。四子爭更立。晉亂而

畢萬之世彌大。從其國名為魏氏。至魏獻子為晉卿。

傳至魏斯。是為文侯。始與趙韓列為諸侯。後滅於秦。

滕

姬姓。侯爵。周文王子叔繻所封。今山東滕縣。春秋魯隱公七年。始見滕侯。卒隱十一年。滕

侯薛侯來朝。其後書子。蓋時王所黜也。漢書地里志。滕封三十世。為齊所滅。國策謂滕滅

於宋。未

薛

任姓。侯爵。黃帝之後奚仲封於薛。今山東滕縣西有薛城。春秋魯莊公三年。書薛伯卒。蓋

亦時王所黜世次不可考或謂
滅於齊後齊孟嘗君封於薛

春秋左傳

隱上一年

春滕侯薛侯來朝爭長

爭位次之先後

薛侯

曰我先封滕侯曰我周之卜正也薛庶姓也我不可

以後之公使羽父請於薛侯曰君與滕君辱在寡人

來朝周之宗盟異姓為後寡人若朝於薛不敢與諸

任齒君若辱貶寡人

謙言來辱也

則願以滕君為請薛侯

許之乃長滕侯

臧武仲

名紇臧文仲之孫臧宣叔之子短小多智時號為聖人諡曰武

春秋左傳

襄四年

冬十月邾人莒人伐鄆

今山東嶧縣地

臧紇

救鄆侵邾敗於狐貍

魯地今屬山東滕縣

國人逆喪者

兵敗多死者故

遭喪者皆髻。以麻結髮言遭喪者多。國人誦之曰：臧

之狐裘。臧紇時服狐裘。敗我於狐駘。我君小子時襄公尙幼。侏儒

短小之人號侏儒。臧孫形狀短小故云。是使侏儒使我敗於邾。

又三年冬城防。襄十三年。防，臧氏邑。今山東費縣地。書事時也。及時作事。於是將

早城。言前此木欲早城也。臧武仲請俟畢農事禮也。因武仲有此請。

時乃城也。又襄十四年。衛侯在邾。為孫文子所逐故奔於邾。今河南開封府地。

臧紇如齊唁。弔失國也。衛侯與之言虐。所言之事皆暴虐之事。退

而告其人曰：衛侯其不得入矣。其言蠶土無禮也。

子展子鮮聞之見臧紇與之言道。所言順道理。臧孫

說謂其人曰：衛君必入。夫二子者。子展子鮮。或輓之也。前牽也。

或推之後送欲無入得乎言衛侯已雖不道而得人相輔自然必得復國也

又襄十年季武子以所得於齊之兵十八年從晉侯侵齊作林

鍾鑄鐘而聲應林鍾也而銘魯功焉以所得兵器鑄作大鐘以銘其功臧武仲

謂季孫曰非禮也夫銘天子令德銘其德不重功伐諸侯言

時計功舉動必因時以紀大功大夫稱伐銘其功伐今稱伐則下等

也儕於大夫計功則借人也借晉之力已本無功言時則妨民多矣

何以爲銘小國幸幸而得勝於大國而昭所獲以怒之昭彰

所獲怒亡之道也又襄二十一年邾庶其邾大夫以漆間

丘二邑名皆在今山東鄒縣地來奔據邑以叛歸魯季武子受其邑以公姑

嫁公姑姊蓋寡者也妻之皆有賜於其從者從庶其來歸者於是魯

多盜。季孫謂臧武仲時為司寇曰：子盍詰也。盜武仲曰：不

可詰也。不可盡詰。言盜多也。紇又不能。紇之才又不能治盜。季孫曰：我有

四封。四境皆有封禁。以便查詰。而詰其盜，何故不可？子為司寇，將

盜是務去。若之何？不能。武仲曰：子召外盜。指庶其。而大

禮焉。妻以公姑。是加大禮於庶其。何以止吾國中盜？子為正卿而來

外盜，使紇去之，將何以能庶其竊邑於邾？以來子以

姬氏妻之而與之邑。即使食邑。漆間邱。其從者皆有賜焉。是

賞盜也。賞而去之，其或難焉。上所不為而民或為之，

是以加刑罰焉而莫敢不懲。若上之所為而民亦為，

之乃其所也。又可禁乎？
又襄二十三年季武子無適

子公彌

季氏長子

長而愛悼子

季氏少子

訪於臧紇

季氏愛悼子欲立之

而不決。懼人之不從也。以臧紇為魯賢大夫。故訪而立之。

臧紇曰。飲我酒。我為子

立之

臧孫知季孫意。故令飲我酒而代為立之。

季氏飲大夫酒。臧紇為客

既獻。臧孫命北面重席。新樽絜之

取新尊洗潔淨也。

召悼子

降

臧孫降階

逆之

先召而降逆之。以示尊立之意。

大夫皆起及旅

行旅

而召公鉏

即公彌

使與之齒

與悼子為齒並立位。列悼子下。使從庶子

之禮也。公鉏由是遂廢。

孟孫惡臧孫

不相善。

季孫愛之

愛其立悼子以成已

志

孟氏之御騶

御馬者。

豐點好羯也

孟氏庶子。豐點與之相善。

謂公鉏苟立羯。請讎臧氏

點知公鉏惡臧氏不立已。故請立羯以共讎之。

子莊

卒。公鉏奉羯立於戶側

以侯季氏。

季孫至。入哭而出

遂立錫聽公鉏之計臧孫入哭入哭孟孫甚哀多涕出其

御曰孟孫之惡子也而哀如是言孟孫與子素不相善何必哭之如此其

哀臧孫曰季孫之愛我疾疢也言足為身之害故曰疾疢孟孫之

惡我藥石也因惡我而常自謹慎是為藥石夫石猶生我疢之美其

毒滋多言孟孫為我藥石我常防備謹慎猶不為害季氏愛我為疾疢雖邀一時之好而惡我者

眾其毒我者尚多使我不及備也孟孫死我亡無日矣臧孫見公鉏欲立錫錫立

必與公鉏其讎臧氏故感而為此言自知其必亡所以不覺痛哭也孟氏閉門恐人竊聽告

於季孫曰臧氏將為亂不使我葬季孫不信臧孫聞

之戒聞孟氏之言而私為戒備也冬十月孟氏將辟除葬道藉除借人

除於臧氏臧孫使正夫正司助之際於東門甲從

已使甲士從已為備而視之視除道者孟氏又告季孫季

孫怒見有甲士相隨命攻臧氏乙亥臧紇斬鹿門之

關魯南城東門以出時關有守者臧孫乃犯之而出奔邾今山東鄒縣地初臧宣

叔娶於鑄今山東肥城縣地生賈及為而死鑄女繼室以其

姪穆姜魯公夫人之姨子也生紇長於公宮姜氏愛之故

立之言臧紇本不應立以係穆姜姨子遂得立為臧氏臧賈臧為出在鑄二子

皆鑄人所出不得立因還舅氏家臧武仲自邾使告臧賈臧紇既出奔自邾使

臧賈請立後於魯且致大蔡焉大龜曰紇不佞失守宗祧紇之

罪不及不祀子以大蔡納請為先人請立後其可賈曰賈聞

命矣使為納請納龜以請遂自為也為至魯遂不為賈請乃請自立為臧氏後

四書考輯要卷十 竊 左 音義堂

臧孫如防按此即所謂以防求為後於魯也使來告曰紇非能為害

也知不足也慮事不周遂致此禍非敢私請苟守先祀立後以奉先祀

無廢二勲文仲宜叔敢不辟邑據邑而請得請乃舍邑而去故孔子以為要君乃

立臧為臧孫致防而奔齊臧孫據防至是乃去猶之還邑於君而奔齊也其

人防邑曰其盟我乎陳其罪而盟諸大夫以為戒臧孫曰無辭無

罪已將盟臧氏季孫召外史掌盟之官掌惡臣掌司從前奔亡諸臣之罪

狀而問盟首問從前載書之辭焉孟椒孟氏孫子服惠伯也曰盍以其

犯門斬關季孫用之乃盟臧氏曰無或如臧孫紇干

也犯國之紀犯門斬關臧孫聞之曰國有人焉誰居其

孟椒乎言孟椒可謂能矣齊侯莊公將為臧紇田將與之田邑臧孫

聞之見齊侯與之言伐晉

齊侯自道前伐晉之功

對曰多則多

矣

言戰功多矣抑君似鼠夫鼠晝伏夜動不穴於寢廟人

寢處之地畏人故也今君聞晉之亂而後作焉

時晉有欒

盈之寧

晉國之則事之

事非鼠何如乃弗與田

亂侯將敗不欲受其邑

故激言使怒而止仲尼曰知之難也有臧武仲之

知而不容於魯國抑有由也作不順

不順理

而施不怨

也

不能推已及人謂其為季氏廢長立少也冢語顏回曰武仲世稱聖

人而身不免於罪

即謂出奔

是智不足稱也好言兵討而

挫銳於邾

即狐駘之役

是勇不足名也

黃氏曰抄臧氏

代不乏人

言臧氏多賢大夫

僖伯諫觀魚

諫魯隱公觀魚於棠

哀伯諫

取郕

諫魯桓公取郕大鼎於宋

至臧孫辰復能以言立

即所謂立言以

聖不

後之卿大夫皆宗之方東門

東門氏也

襄仲之子歸

父欲去三桓

季孫行父欲追怨治其後獨臧宣

文仲之子

能斥以後之人何罪皆可謂賢矣臧武仲以智稱乃

阿季氏之私廢長立庶卒見惡孟氏而奔齊臧氏遂

衰殆所惡於智者爲其鑒之類與

按臧武仲在魯以多智自見當時號爲聖人考左

傳所載知衛獻公之復國阻季孫之鑄鼎銘功

譏其受邾庶其之叛而招致外盜知齊侯之將敗

而不受其邑明理先見皆其多智之大者即其謂

孟孫惡我爲藥石季孫愛我爲疾疢亦以見自知之明。惟爲季孫廢長立庶違禮義而逞私心以圖迎合季孫邀寵固位而卒得罪孟氏致犯門斬關而出在彼方自以爲能智而不知作不順而施不怨智而失之鑿終以不智見譏是可惜也至其如防求後據邑邀請又蹈要君之跡果何謂哉。

卞莊子

魯邑大夫。失其名。曹叔振鐸之後其支庶有食邑於卞者。因以爲氏。卞今山東

泗水縣地。

韓詩外傳卞莊子好勇毋無恙

病也。時三戰而三北也。敗

交游

朋友也。

非之國君辱之

以其善敗爲辱。

卞莊子受命顏色

不變及母死三年魯興師卞莊子請從至見於將軍

曰前猶與母處是以戰而北也辱吾身

言須事奉母親不敢死戰

是以每戰必敗辱及吾身

今母沒矣請塞責

請死戰以塞前此之責我者

遂走

敵而鬪獲甲首

獲敵國甲士之首也

而獻之曰請以此塞一北

又獲甲首而獻之曰請以此塞再北又獲甲首而獻

之曰請以此塞三北將軍止之曰請爲兄弟

敬其勇也卞

莊子曰夫北以養母也

言前此之北爲母在也

今母歿矣吾責

塞矣吾聞之節士不以辱生

而不受辱而猶生

遂奔敵殺七十

人而死

春秋後語莊子性好勇嘗刺虎管豎子比

之曰兩虎方食牛牛甘必爭

食牛肉而甘則兩虎必爭

鬪則大者

傷小者亡。從傷而刺。因其傷也刺之。一舉必有兩獲。必得莊

子然之。果獲二虎。齊人欲伐魯。忌卞莊子。不敢過卞。

畏其勇也。

公叔文子

衛大夫名拔。又曰名發。公叔其氏也。

春秋左傳

襄二十九年

吳公子札來聘。適衛。說公叔發。

季札

與公叔發相得也。

曰衛多君子。未有患也。

又宣十三年

初衛公

叔文子朝而請享靈公。

欲請靈公臨其家而設享。

退見史鰌。史

告之。史鰌曰子必禍矣。子富而君貪罪其及子乎。

言靈

公至子家。見其家富必生貪心。

文子曰然。吾不先告子。是吾罪也。君

既許我矣。其若之何。史鰌曰無害子臣。

言子能執臣禮。

可以

免可免戍也文子之子驕其亡乎必亡其家及文子卒衛侯始

惡於公叔戍以其富也公叔戍又將去夫人南子之黨

宋朝夫人愬之曰戍將為亂明年戍奔魯禮記檀弓公叔

文子升於瑕邱衛地今屬山東滋陽縣蘧伯玉從文子曰樂哉

斯邱也死則我欲葬焉蘧伯玉曰我子樂之則瑗請

前請前行以去示不欲聞其事也又公叔文子卒其子戍請諡於

君曰日月有時言有數也將葬矣請所以易其名者君曰

昔者衛國凶饑夫子為粥與國之餓者不亦惠乎昔

者衛國有難齊豹曾作亂殺衛侯之兄縶夫子以其死衛寡人公出

奔死鳥文不亦貞乎夫子聽衛國之政修其班制尊卑

多寡之序。以與四隣交。衛國之社稷不辱。不亦文乎。故謂夫子貞惠文子。

按公叔文子事跡多不可考。左傳紀其與吳季札一見相得。稱爲君子。禮記紀衛君稱爲貞惠。是其時言樂笑言動不苟。可以想見其家富而能執臣禮。其義然後取。固有可信。惟其與家臣俱同升諸公一事。則止見於論語。向非聖人爲之表微闡幽其事不幾湮沒哉。

晉文公

晉姬姓。侯爵。周武王少子。唐叔虞之後也。傳至晉昭侯。封其叔成師於曲沃。今

山西聞喜縣地。是爲桓叔。桓叔之孫武公。滅

晉哀侯而有之。徙居絳。今山西絳州地。至靖

公韓魏趙三分其地。遷靖公為家人。凡三十君。七百四十一年。晉文公獻公子。名重耳。為

晉侯時。重耳年已六十二。又九年。晉始霸。卒諡曰文。世為諸侯盟主。

春秋左傳

僖二十三年

晉公子重耳之及於難也。遂奔狄。

晉獻公嬖其妾驪姬。欲立其子為太子。乃譖群公子而逐之。重耳遂奔狄。狄為重耳母家。從者狐

偃趙衰顓頊魏武子

即魏

司空季子

胥臣

狄人伐廩

咎如

赤狄別種隗姓

獲其二女。叔隗季隗納諸公子。公子取

季隗以叔隗妻趙衰。將適齊。謂季隗曰。待我二十五

年不來而後嫁。對曰。

此季隗言也。

我二十五年矣。

言現今已二十

歲。

又如如是而嫁。

年已五十。

則就木焉。

言將死也。

請待子。處狄十

二年而行。過衛。衛文公不禮焉。

不為重耳設地。主之禮也。

出於五

音章隗音美

音章

鹿衛地今屬直隸開州乞食於野人野人與之塊野人不與食而與以土塊

公子怒欲鞭之子犯狐偃字曰天賜也有土之祥稽首受而

載之載其土於車及齊齊桓公妻之以女妻之有馬二十乘八

也匹公子安之安此不從者也以爲不可謀於桑下蠶妾

在其上適有蠶妾方採取桑葉在樹上聞其謀以告姜氏即重耳妻姜氏殺

之恐其洩漏而謂公子曰子有四方之志言將遠行其聞之者

吾殺之矣公子曰無之姜曰行也懷懷人與安安於所處

實敗名敗壞功名公子不可姜與子犯謀醉而遣之醉重耳而

私載醒以戈逐子犯重耳酒醒不欲去及曹曹其公

聞其駢脅聞重耳兩脅之骨皆相駢合欲觀其裸欲俟赤身觀之浴俟重耳方

浴迫也而觀之言曹共公亦無禮於重耳也僖負羈曹大夫之妻曰

吾觀晉公子之從者皆足以相國夫子謂重耳必反其

國子盍蚤自貳自別異於曹以結好重耳焉乃饋盤飧食物寘璧寘寘

於殽中不令人見焉公子受殽反璧以見不貪及宋宋襄公贈之

以馬二十乘及鄭鄭文公亦不禮焉及楚楚子饗之

曰公子若反晉國則何以報不穀對曰若以君之靈

得反晉國晉楚治兵遇於中原其辟君三舍三十里為舍言

三退以辟楚若不獲命辟三舍而楚必不許其左執鞭弭弓末無絳之處右

屬綯受箭鍵受弓之物以與君周旋與君戰也子玉請殺之畏其

志楚子曰晉公子廣所志廣大而儉所行守法文而有禮

鑿鑿
韃音健

吾聞姬姓唐叔之後其後衰者也後衰言尚其將山

晉公子乎乃送諸秦公秦伯享之子犯曰吾不如衰趙即

衰之文有文辭也請使衰從公子賦河水逸詩義取河水朝宗於海

公賦六月詩小雅篇尹吉甫佐宣王征伐故作此詩秦伯言公子反晉必能匡王以征伐也

趙衰曰重耳拜賜公子降拜稽首公降一級階而辭

焉衰曰君稱所以佐天子者命重耳重耳敢不拜

又僖二十四年秦伯納之納重耳於晉殺懷公晉惠公子於高

梁晉地今屬山西洪洞縣呂卻呂甥卻芮皆畏畏文公將焚

公宮而弑晉侯寺人披請見公使讓之責且辭焉重耳

居蒲城寺人披受晉獻公命來伐斬其衣袂而去對

又為晉惠公求殺重耳至是來見故公責而辭之對

晉書考輯史卷十 憲問 三 培遠堂

曰臣謂君之入也其知之矣知為君之道若猶未也又將

及難言又將有難蓋知呂公見之以難告告呂卻晉

侯潛會不使呂秦伯於王城秦地今屬陝西朝邑縣已丑晦公

宮火不獲公乃如河上呂卻焚公宮而不獲公乃遂至河上秦伯誘而

殺之初晉侯之豎小頭須名豎守藏庫藏者也其出也文公

時竊藏竊其以逃盡用以求納之求納文公及入求見公

辭焉以沐謂僕人即豎頭須之辭也曰居者為社稷之守行

者為羈紲所以繫之僕其亦可也皆可以何必罪居

者言居者代守社稷行者親執羈紲國君而讎匹夫

懼者其眾矣僕人以告公遽見之又晉侯賞從亡

者介之推文公微臣不言祿祿亦弗及推曰天實置之言文

公本天所世置而二三子以為已力不亦誣乎遂隱而死晉

侯求之不獲以縣上晉地今屬山西介休縣為之田祭田曰以志

吾過且旌善人又僖二十五年秦伯師於河上將納王

周襄王時為王子帶所逐狐偃言於晉侯曰求諸侯求諸侯之歸服莫如

勤納也王諸侯信之諸侯聞晉有納王之舉自成信服且大義也晉侯

辭秦師讓秦師使還國而下晉師獨下納王夏四月王入於王城晉

侯朝王王饗醴饗而設酒命之宥宥飲也蓋加賜幣帛以助飲請隧闕地

通道以葬此王禮也晉文公求王賜以此禮為葬備弗許曰王章也言隧乃王者之章度

與之陽樊今河南修武縣地溫今河南溫縣地原今河南濟源縣地攢茅今河

山書考輯要卷十憲問 三 培遠堂

南修武縣地

之田晉於是始啟南陽

四邑皆在晉之南

陽樊不服

圍之倉葛

陽樊人

呼曰此誰非王之姻親其俘

囚之也

乃出其民

取其土地而已

冬晉侯圍原命三日之糧

帶三日兵糧期

三日必降原也

原不降命去之

三日期滿糧盡故撤圍而去之

謀

出曰原

將降矣軍吏曰請待之公曰信國之寶也民之所庇

也得原失信何以庇之

本約三日降原今既不降自應去原以示信逾期而倖其

降是失信也

退一舍而原降晉侯問原守

守原大夫

於寺人勃

鞮

即寺人掖

對曰昔趙衰以壺飧從徑

以至菲之飲食從文公於徑以行役

餒而弗食

雖甚饑不敢先食言其廉而不忘君也

故使處原

又

僖二

年

冬楚子及諸侯圍宋宋公孫固如晉告急

欲晉出之

也先軫曰報施報宋公前此贈馬二十乘之惠救患救宋此時受圍之患取威

勝楚則諸侯畏服取一時之威武定霸勝楚則霸業成矣於是乎在皆在救宋之一

塞狐偃曰楚始得曹而新昏於衛楚與衛新為婚姻若伐曹

衛楚必救之則齊宋免矣楚師往救曹衛則必不能兼圍齊宋故齊宋可免前

年楚使申叔戌穀邑以陵齊於是乎蒐習武也於被廬晉地作三軍晉獻

公作二軍今復大國之制晉侯始入始入晉國時而教其民二年欲用

之子犯曰民未知義未安其居無義則苟且求生不能安其故處於

是乎出定襄王即前納襄王也入務利民民懷生皆懷

生而安矣將用之子犯曰民未知信未宣明也其用未明

居矣見用於是乎伐原以示之信即三日糧盡而退圍原乃降也民易資

四書考輯要卷十寧問三培遠堂

交易資財者不求豐不詐以焉明徵其辭不二價言公曰

可矣乎子犯曰民未知禮未生其共順也民不知禮

任所於是乎大蒐即蒐於被廬也以示之禮明少長貴賤之禮作執

秩主爵秩之官以正其官民聽不惑而後用之聽上之命而不惑乃

可用出穀楚地今屬湖廣穀城縣戊釋宋圍楚子使申叔去穀子玉去宋事在僖

公二十一年一戰即城濮之戰而霸文之教也以文德教民也又僖

十八年晉侯圍曹門焉攻其城門三月入曹數之數曹人之罪令

無人僖負羈之宮而免其族免其族不使兵得擾之報施報發

贈也宋人使門尹官名般如晉師告急楚人未解圍故復告急於晉

公曰宋人告急舍之則絕告楚不許我欲戰矣齊秦

未可

未肯助戰

若之何先軫曰

使宋舍我而賂齊秦

此設計使

宋舍晉而以賂秦

藉之告楚

假借齊秦使為宋請於楚

我執曹君而

分齊衛之田以賜宋人

欲以激怒楚師

楚愛曹衛必不許也

楚愛曹衛而惡晉分其田以與宋必不許齊秦之為宋請

喜賂怒頑

不可告請故曰頑也言齊

秦喜宋之賂怒楚之頑

能無戰乎

此晉人之諂也

公說執曹伯分曹衛

之田以畀

與也

宋人楚子人居於申

楚地今屬河南南陽縣

使申

叔去穀

前使申叔戌穀

使子玉去宋

子玉圍宋今使撤圍而去

曰無從晉

師

不與晉爭戰

晉侯在外

出亡在外

十九年矣而果得晉國

今復

晉險阻艱難備嘗之矣民之情偽盡知之矣天假之

年而除其害

謂惠懷二君及呂卻

天之所置

言重耳為天之所立也

其可

明

憲

焉

培蔭堂

廢乎。子玉使伯勞。

楚大夫子文之孫。

請戰。

不肯去宋。故請命。楚子將與晉戰。

王怒少與之師。子玉使宛春偕於晉師曰。請復衛侯。

而封曹臣。亦釋宋之圍。子犯曰。子玉無禮哉。君取一。

以釋宋為晉侯惠。

臣取二。

以釋曹衛為已功。

不可失矣。

言楚無禮。應亟與之戰也。

先軫曰。子與之。

言宜許子王之言。

定人之謂禮。楚一言而定。

三國。我一言而亡之。

我不許之。是三國不得安靖而將亡也。

我則無禮。

何以戰乎。不許楚言。是棄宋也。

不許楚言。則楚必不釋宋之圍。是棄宋與。

楚也。救而棄之。謂諸侯何。

救宋而棄之。則必為諸侯所怪。

楚有三施我。

有三怨。怨讎已多。將何以戰。不如私許復曹衛。以攜。

之。

此下乃先軫畫策也。私令曹衛告楚。絕於楚。以攜貳其心。而後復其國。執宛春。

楚使以怒。

楚既戰而後圖之

此亦足見晉人譎處

公說曹衛

告絕於楚子王怒從晉師

求戰

晉師退軍吏曰以君辟

臣辱也且楚師老矣何故退子犯曰師直為壯曲為

老豈在久乎微楚之惠不及此退三舍辟之所以報

也退三舍楚眾欲止

欲止而不戰

子王不可夏四月次於

城濮

衛地今屬河南滑縣

楚師敗績丁未獻楚俘

與楚戰所俘獲之兵甲人

民

於王鄭伯傅王

王相

用平禮也

以平王享晉文侯之禮享晉文公

王

享醴命晉侯宥

既享又命晉侯賜以束帛以將厚意

策命晉侯為侯伯

晉侯三辭從命君子謂晉於是役也能以德攻

即所謂以

文德教民

是會也晉侯召王

襄王也襄王之來由晉侯召之使來

以諸侯見

晉侯以諸侯之禮見王。

且使王狩。紳黼曰：以臣召君，不可以訓。

故書曰：天王狩於河陽。

河水之南。

言非其地也。

非可狩之地。

且

明德也。

晉召君之明，所以明德。晉敗楚之功，德所以。

又

僖三十九年。

九月，晉侯秦

伯圍鄭，以其無禮於晉。

鄭重耳出亡過鄭，鄭不禮之也。

且貳於楚也。

燭之武。

鄭大

見秦伯曰：若亡鄭而有益於君，敢以煩

執事。焉用亡鄭以陪鄰？

謂晉國。晉與秦隣，鄭與晉隣。鄭亡，惟晉國得有其地，陪隣。

言使隣人得加倍獲地也。

隣之厚，君之薄也。秦伯說，與鄭人盟。

秦私

與鄭人成盟而歸。

子犯請擊之。

謂擊秦。

公曰：不可。微夫人之力

不及此。

晉侯言非秦無由復國。

因人之力而敝之，

擊之也。

不仁，失

其所與。

擊秦則兩國失和。

不知以亂易整，不武。

秦晉兩國本整師而來，今

响音嘯

中道相擊。吾其還也。亦去之。
又 僖三十 冬晉文公

卒。庚辰將殯於曲沃。
曲沃有舊宮。 出絳都。樞有聲如牛。
如牛。

响 卜偃使大夫拜曰。君命大事。
言樞有聲者。將有西君命大事也。

師過軼也。
越也。我指秦師。 擊之必大捷焉。
此卜偃恐樞之有聲。驚亂衆心。故藉

此以解。明年晉襄公敗秦師於殽。

按晉自文公主盟中夏。霸業稱盛。城濮之戰。抑楚

尊王功。施赫著。自是世為盟主。而夫子獨謂文公

譎而不正者。此亦誅心之論也。其與秦伯其謀納

王。則聽子犯之謀。將藉此以求諸侯。遂辭秦師而

獨下。此以譎待秦也。圖原而示以三日之糧。糧盡

而去以示之信。此又名爲信。而實以譎待原也。將以救宋報德。而故伐曹衛以分楚師。使救曹衛而舍宋。且使宋賂齊秦以救宋。執曹君而分曹衛之田以怒楚。此又以譎待宋。以譎制楚也。楚請釋宋之圍。則私許復曹衛以攜楚人之黨。執楚使以致子玉之憤。此又以譎待曹衛。及子玉也。故其勝楚之功雖顯。而往往以詭道倖成。宜乎爲聖人所不取也。以晉文視齊桓。又豈可相提並論。城濮之功雖多於召陵。溫之會雖敏於葵丘。晉三會諸侯莫有不至。雖盛於桓公。然齊桓遷邢封衛。毫無私意。

德播諸侯晉文則私許復曹衛復爲私怨而執衛
侯且使醫酖之旣執曹君直至有疾聽筮史之言
始復曹伯已失信於同姓諸侯矣齊桓受天王賜
胙凜天威於咫尺不敢失下拜之儀而晉文則請
隧以干王度召天子以會河陽已失尊王之義矣
齊桓寧不得鄭不受子華之私請而諸侯內附晉
文則爲元咺執衛侯爲臣執君又失君臣之禮矣
此夫子所以謂其遜於齊桓也其後晉襄敗秦於
穀以世爲婚姻之國而干盟啟釁世成仇隙讀左
氏呂相絕秦一書利口辨言皆晉之失而皆委其

責於秦文公之後且世以譎勝謂非文公貽謀不

臧乎

齊桓公

姓姜氏名小白太公之後釐公次子襄公弟也襄公被弑桓公還立遂霸諸侯

卒諡

曰桓

春秋左傳

莊八年

初襄公立無常

政令無常

鮑叔牙曰君使

民慢

慢易無節

亂將作矣奉公子小白出奔莒

鮑叔牙為小白之傳

亂作

公子無知弑襄公

管夷吾召忽奉公子糾

小白庶兄管召為子糾之

傳

來奔

魯奔

又

僖九年

夏伐齊納子糾

魯伐齊以納糾也

桓公

自莒先入桓公與子糾爭入管仲將兵遮道射桓公

中帶鉤桓公佯死管仲使使報魯送糾者益遲

送糾者以

桓公已死魯桓公遂先入齊秋師及齊師戰於乾時地

故行益遲今屬山東我師敗績鮑叔帥師來言曰子糾親也請

君討之忍之辭管名讎也請受而甘心焉欲快意殺戮之蓋欲

生得管名而用之乃殺子糾於生竇魯地今屬山東曹名忽

死之管仲請囚知鮑叔鮑叔受之及堂阜齊地今屬山東蒙陰

縣而稅之解其桎梏歸而以告昔桓公曰管夷吾治於高僂

齊卿高敬仲言管仲治才多於敬仲使相可也公從之又莊十齊侯

之出也為公子奔莒之時過譚今山東歷城縣地譚不禮焉及其入

也諸侯皆賀譚又不至冬齊師滅譚譚無禮也又

閔元狄人伐邢今直隸順德府地管敬仲言於齊侯曰詩云

爾耄騫寡爾耄騫寡人憲問
音素堂

豈不懷歸畏此簡書詩小雅篇本周公勞還將帥之時云也

簡書同惡相恤之謂也請救邢以從簡書所同惡

齊人救邢又齊仲孫湫來省視難莊公卒子般立

而立仲孫歸公桓公曰魯可取乎對曰不可取也猶秉

周禮周禮所以本也所以為國之本君其務寧魯難而親之

霸王之器也資也又閔二僖之元年此左氏逆齊桓

公遷邢於夷儀今直隸邢臺縣地二年封衛於楚邱今河南滑縣地

邢遷如歸如歸故國衛國忘亡忘其滅亡之國皆總言齊桓之能撫集諸侯也

又僖元年諸侯救邢邢人潰出奔師奔諸侯之師中師遂逐狄

人其備邢器用凡國中而遷之遷夷儀師無私無私取焉

所謂耶遷如歸也

又年

春齊侯以諸侯之師侵蔡蔡為楚黨

遂伐楚楚子使與師言曰君處北海寡人處南海不

虞君之涉也至吾地也何故管仲對曰爾貢包茅菁

也祭畢縮酒於地以不入王祭不其無以縮酒寡人

是徵昭王南征而不復昭王南巡楚人以膠舟渡玉中流膠化而舟解昭王溺死

寡人是問對曰貢之不入寡君之罪也敢不其給昭

王之不復君其問諸水濱言王沒於水則水之過與楚無干師進次

於陞蔡地後屬楚今屬河南郾城縣楚子使屈完如師師退以楚師將服而

退次於召陵蔡地後屬楚亦屬河南郾城縣齊侯陳諸侯之師以師之眾

也示楚與屈完乘車而觀之齊侯曰豈不穀齊桓公自稱是

為言興兵動眾先君之好是繼與不穀同好如何對

曰寡君之願也齊侯曰以此眾戰誰能禦之以此攻

城何城不克對曰君若以德綏諸侯誰敢不服君若

以力楚國方城山名在今河南葉縣地以為城漢水以為池雖

眾無所用之言齊若以德服諸侯莫有敢不服者屈

完及諸侯盟又僖七年秋盟於甯母齊地今屬山東魚臺縣謀

鄭時鄭尚未服故也管仲言於齊侯曰臣聞之招攜貳心

懷遠以德德禮不易無人不懷齊侯修禮於諸

侯官司官受方物時周室衰微諸侯貢賦多闕至是始各於齊受其方所當貢天

歸天子之物以又僖九年夏會於葵邱宋地今屬河南睢州王使宰

孔賜齊侯胙曰天子有事祭於文武文王武王使孔賜伯

舅謂齊桓也天子謂異姓諸侯曰伯舅胙齊侯將下拜孔曰且有後命

天子使孔曰以伯舅耄老加勞勞績賜一級等無下

下拜拜對曰天威不遠八尺尺言天鑒小白余

敢貪貪也天子之命無下拜恐隕越於下以遺天子

羞貪命廢禮則貽天子羞矣敢不下拜下拜登受秋齊侯盟諸侯

於葵邱曰凡我同盟之人既盟之後言歸於好宰孔

先歸遇晉侯晉獻公曰可無會也齊侯不務德而勤遠

畧故北伐山戎北狄地今直隸永平府南伐楚西為此會也東

畧經畧之不知則不可知西則否矣西會既畢無其在也

四書考輯要 卷十 審簡 三 帝堯堂

亂乎。言晉將君務靖亂。微戒晉獻將無勤於行。晉侯

乃還。又僖十年齊侯之夫人三。王姬徐嬴蔡姬皆無

子。齊侯好內。好女多內寵。內嬖如夫人者六人。妾之

得如夫人者長衛姬。生武孟。少衛姬。生惠公。鄭姬。生孝公。

葛嬴。生昭公。密姬。生懿公。宋華子。生公子雍。公與管

仲屬孝公於宋襄公。以為太子。雍巫。即易有寵於衛

共姬。因寺人貂以薦羞於公。亦有寵。公許之。立武孟。

管仲卒。五公子皆求立。求於齊桓欲冬十月。齊桓公

卒。易牙入。與寺人貂因內寵以殺群吏而立公子無

虧。孝公奔宋。十二月夜殯。時五公子各樹黨爭立。桓公卒宮中空。莫敢棺。桓公

尸在牀上六十七日乃殯尸蟲出於戶

史記齊世家

五年桓公五年伐魯魯

將帥敗魯莊公獻遂邑

魯地今屬山東寧陽縣

以平桓公許與

魯會柯

齊地今屬山東東阿縣

而盟魯將盟曹沫以匕首

刀也劫

桓公於壇上曰反魯之侵地桓公許之已而曹沫去

匕首北面就臣位桓公後悔管仲曰棄信於諸侯失

天下之援也

不可於是遂與曹沫三敗所亡地於魯

曹沫三與齊戰三北失地於齊今齊盡還所得地於魯

諸侯聞之皆信齊而欲

附焉二十三年山戎伐燕

今直隸薊州地

燕告急於齊齊桓

公救燕伐山戎至孤竹

今直隸灤州地

而還命燕君復修召

公之政納貢於周

燕久不與上國會盟故天子之貢亦不供至是始納貢如舊

諸

侯聞之皆從齊 又是時周室微唯齊楚秦晉為彊

晉初與會獻公死國內亂秦穆公辟同遠不與中國

會盟楚成王初收荆蠻有之夷狄自置言自安唯獨

齊為中國會盟而桓公能宣其德故諸侯賓會咸來

於是桓公稱曰寡人南伐至召陵望熊山即熊耳山

宜陽縣地北伐山戎離支即令支今直隸遷安縣地孤竹今直隸灤州地西伐

大夏西羌地今甘肅肅州嘉峪關外涉流沙西域地今甘肅束馬懸車言

甲用兵登太行山名在今山西絳州地至卑耳山即附於太行者而還諸

侯莫敢違寡人寡人兵車之會三魯莊十三年會於北杏平宋亂僖四

年侵蔡遂伐楚六年伐鄭圍新而乘車之會六魯莊十四年會

於鄧十五年。又會鄧。十六年。盟於小止。八年。盟於洮。九年。會葵邱。此為

合諸侯。一匡天下。昔三代受命。有何以異於是乎。吾

欲封泰山。禪梁父。泰山下小山。在今山東泰安府地。管仲固諫不聽。

乃說桓公以遠方珍怪物至。乃得封。桓公乃止。黃

氏曰抄。大匡之要。管子書名。曰桓公入國。踐位之年。欲繕

兵革。仲管仲諫不可。至五年。欲伐宋。以救杞。仲諫不可。

公乃始用其謀。不伐宋。而城緣陵。杞國地。今屬河南杞縣。以封

杞。明年。狄伐邢。又用仲謀。城夷儀。以封邢。明年。狄伐

衛。又用仲謀。城楚邱。以封衛。公問將何行。言何以治國也。乃

請寬開市之征。又問何行。乃請輕諸侯之幣。諸侯來朝於齊。

四書考輯要 卷十 憲問 三

侯聞之皆從齊 又是時周室微唯齊楚秦晉為彊

晉初與會獻公死國內亂秦穆公辟同遠不與中國

會盟楚成王初收荆蠻有之夷狄自言自安唯獨

齊為中國會盟而桓公能宣其德故諸侯賓會成來盟會

於是桓公稱曰寡人南伐至召陵望熊山即熊耳山在今河南

宜陽縣地北伐山戎離支即令支今直隸遷安縣地孤竹今直隸灤州地西伐

大夏西羌地今甘肅河州涉流沙西域地今甘肅肅州嘉峪關外束馬懸車言不

用兵登太行山名在今山西絳州地至卑耳山即附於太行者而還諸

侯莫敢違寡人寡人兵車之會三魯莊十三年會於北杏平宋亂僖四

年侵蔡遂伐楚六年伐鄭圍新而乘城此為兵車之會三也

於鄆十五年又會鄆十六年盟於幽僖五年會首九止八年盟於洮九年會葵邱此為乘車之會六也

合諸侯一匡天下昔三代受命有何以異於是乎吾

欲封泰山禪梁父泰山下小山在今山東泰安府地管仲固諫不聽

乃說桓公以遠方珍怪物至乃得封桓公乃止黃

氏曰抄大匡之要管子書名曰桓公入國踐位之年欲繕

兵革仲管子諫不可至五年欲伐宋以救杞仲諫不可

公乃始用其謀不伐宋而城緣陵杞國地今屬河南杞縣以封

杞明年狄伐邢又用仲謀城夷儀以封邢明年狄伐

衛又用仲謀城楚邱以封衛公問將何行言何以治國也乃

請寬開市之征又問何行乃請輕諸侯之幣諸侯來朝於齊

不合獻重幣也又問何行乃請賞其國以及諸侯之國又問

何行乃請隰朋齊大為東國猶言在東也賓胥無齊大為

西土猶言在西也以親附四方之諸侯齊之恩威遂四達

於天下乃教諸侯足民足食足兵復正君臣父子之

道然後兵車之會六乘車之會三諸侯莫不賓從而

夷狄以服中國以安蓋自東遷諸侯爭強未嘗有一

日能不事兵戈者至管子始一切反之而有以弭其

爭按此所謂一匡九合不以兵車也

按齊桓公當周室式微荆楚梟張之時合諸侯以

尊周攘夷功最著者惟召陵一戰自是王禁而

王臣不下聘者六十年盟會同而諸侯無私爭者三十載陳旅聶北而狄退獻捷過魯而戎弭却子華之私請而鄭服存三亡國而諸侯附此其舉止正大陣陣堂堂爲何如宜夫子之亟許之也惜其內多欲而外施仁義發號施令不過爲霸者假之術卽召陵之役本爲蔡姬而伐蔡遂以及楚又不能問楚憑陵之罪僭王之非僅以包茅不貢昭王不復責之觀屈完之對楚固未嘗心服也爲富國而乃通魚鹽之利爲強兵而作內政以寄軍令葵邱之會曰無以妾爲妻而桓公多內寵旣相管

仲而監刀易牙開方之徒。嬖幸不絕。卒至身亡而國亂。既死而尸蟲出於戶。霸業不終。亦可哀已。假仁假義。豈曰不譎。夫子特以較之。晉文爲差勝耳。孟子謂春秋無義戰。彼善於此。則有之矣。亦此意也。

又按九合諸侯。集註謂作糾合。則凡齊桓之會諸侯。皆是有會盟歃血。不以兵車。則爲衣裳之會。有會諸侯共謀以兵伐國。則爲兵車之會。衣裳之會。

十有一。謂魯莊十三年會洮杏。

齊地。今屬山東東阿縣。

以平。

宋亂十四年。會於鄆。

衛地。今屬山東濮州。

宋服也。十五年。又

會鄆。齊始霸。十六年。盟於幽。宋地。今屬河南。考城縣。鄭服也。

二十七年。又盟幽。陳鄭叛而復服也。僖元年。會於

欖。宋地。今屬河南。陳州府。謀救鄭也。二年。盟於貫。宋地。今屬山東曹縣。

服江黃也。三年。會於陽穀。齊地。今屬山東陽穀縣。謀伐楚也。

五年。會於首止。衛地。今屬河南。裕州。謀寧周也。七年。盟於甯

母。鄭有二心。謀鄭故也。九年。會於葵邱。尋盟。且修

好也。兵車之會四。謂魯僖八年。會於洮。曹地。今屬山東濮州。

謀王室之難。十三年。會於鹹。衛地。今屬直隸開州。王室有戎

難也。十五年。盟於牡邱。齊地。今屬山東聊城縣。救徐也。十六

年。會於淮。宋地。今屬安徽臨淮縣。謀救鄭也。此皆糾合諸侯。

救災恤患。尊周攘夷。不事兵爭。爲齊桓霸業之大者。史記又謂兵車之會三。乘車之會六。爲九次會。合諸侯之証。與集註說稍異。然總以見齊桓霸業之盛耳。故並載之。

又按桓公子糾。舊說紛紛。皆謂桓弟糾。兄故桓公。殺糾爲非義。聖門如子路子貢皆疑之。而子則以管仲功大而罪可從輕。亦許其不死而不稱其仁。惟程子則以桓兄糾弟爲斷。足破千古之疑。胡傳亦謂子糾弟也。桓公兄也。桓公已立而召忽乃復納糾。倚魯稱兵。於義非是。與程子論合。今細按之。桓

公子糾皆爲齊群公子。桓公旣先自莒入齊，高國已立爲齊君，正位君齊，則子糾亡公子耳，已不當與齊君爭。況子糾原非適子，本非必應立之人，管召輔之用師伐國，是輔亡公子而抗齊君，已爲不義，罪有可殺。桓公不殺而赦之，又安得而讎桓乎？此管仲所以可不死也。獨是召忽之死，各爲其主，亦未可厚非。以管仲之有功王室，較之則召忽之死，所見爲獨小耳。

公子糾

見前桓公條。

召忽

管子小白踐位。是爲桓公。問於鮑叔曰：將何以定社

稷？鮑叔曰：得管仲與召忽，則社稷定矣。遂遣使請管

召於魯。管仲謂召忽曰：子懼乎？召忽曰：何懼乎？令子

相齊之左，必令忽相齊之右。言齊桓公必用召忽二人也。雖然殺君

指子糾而用吾身，是再辱我也。子爲生臣，忽爲死臣，忽

也知得萬乘之政而死。知將相齊而不懼死。公子糾可謂有死

臣矣。子生而霸諸侯，公子糾可謂有生臣矣。死者成

行生者成名。子其勉之，乃行至齊境，自刎而死。管仲

遂入。入齊國也。君子曰：召忽之死也，賢其生也。能全其節。管仲

之生也，賢其死也。不徒死也。

王珪魏徵不死建成之難而從太宗註

通鑑綱目初洗馬魏徵常勸太子建成早除秦王及

建成敗世民召徵謂曰汝何為離間我兄弟徵舉止

自若對曰先太子早從徵言必無今日之禍世民改

容禮之引為詹事主簿亦召王珪於雋州今四川以為

諫議大夫王珪亦建成臣也二人仕太宗皆以敢諫著名

衛靈公名元襄公之子在位四十二年卒諡曰靈

春秋左傳哀二初衛侯遊於郊郊外子南靈公庶子僕公

曰余無子太子蒯瞶將殺夫人南子出奔宋故曰無子將立女將立女鄆為太子不

對鄆不欲立他日又謂之對曰鄆不足以辱社稷君

國書考異要卷十憲問 三 音義堂

其改圖謂改立他人君夫人在堂三揖孤卿特邑大夫以

揖故謂在下君命祇辱言立適乃禮之正今立郢非

下亦未必以立郢為是君命適足取辱夏衛靈公卒夫人曰命公子郢

為太子對曰亡人之子輒在郢知輒必爭乃立輒是

公出國策衛衛靈近癰疽瘍醫也蓋業彌子瑕衛大

二人者專君之勢以蔽左右復塗偵蓋侏儒之類善

者謂君曰昔日臣夢見君君曰子何夢曰夢見竈君

君忿然作色曰吾聞夢見人君者夢見曰今子曰夢

見竈君而言君也有說則可無說則死對曰曰并燭

天下者也一物不能蔽也若竈則不然前之人煬災

也則後之人無從見也言前人身當炎燥之處則後之人不得見比人臣當權執

政蔽塞左右而人君不得知也今臣疑人之有煬於君者也有人如煬竈遮

蔽於君前也是以夢見竈君君曰善於是因廢癰疽彌子

瑕而立司空狗蓋衛國賢人也史記孔子世家衛靈公問陳孔

子對以未學明日與孔子語見蜚鴻仰視之色不在

孔子孔子遂行衛靈公嬖夫人南子縱注無道見上論南子條

陳成子名恒又名常姓田氏卒諡曰成陳完之後陳厲公他生子完與太子御寇相愛

御寇被殺恐禍及已遂奔齊桓公使為工正

是謂敬仲齊懿仲將妻之卜曰是謂鳳凰于飛和鳴鏘鏘有嬀之後將育於姜敬仲在齊

因陳田二字音相近遂改姓田氏敬仲六傳而至于子常是謂陳成子又三傳而至于田和遂篡齊而為諸侯傳至王建滅於秦

史記田齊世家田乞卒子常代立是為田成子田常與闕

止隨簡公在魯者俱為左右相相簡公田常心害闕止害其權與

已御官名鞅亦田氏之族諫簡公曰田闕不可並也常田氏欲

殺子我即闕止字子我率其徒攻田氏不勝出亡田氏之

徒追殺子我簡公出奔田氏之徒追執簡公於徐州

即舒州齊境地今屬江南舒城縣簡公曰蚤從御鞅之言不及此難

田氏之徒恐簡公復立而誅已遂殺簡公立簡公弟

驚是為平公田常為相懼諸侯共誅已乃盡歸魯衛

侵地西約晉韓魏趙氏南通吳越之使修功行賞親

於百姓田常言於齊平公曰德施人之所欲君其行

之言君宜施德於民以得人心

刑罰人之所惡臣請行之臣行刑罰以止

惡行之五年齊國之政皆歸田常人咸畏田氏之田

常於是盡誅鮑晏闕止及公族之彊者而割齊自安

平以東今山東臨朐縣地至瑯琊今山東諸城縣地自為封邑田常

卒子盤代立諡常為成子

簡公名王齊悼公子立四年為陳成子所弑事見陳成子條

孔子請討

春秋左傳哀十四年齊陳恒弑其君壬於舒州齊境地今屬江南舒

城孔子三曰齊而請伐齊三言魯隣公曰魯為齊弱于齊向

為齊所欺陵其勢甚弱久矣予之伐之將若之何對曰陳恒弑

其君民之不與者半。以魯之衆，加齊之半，可克也。公曰：子告季孫。孔子辭退，而告人曰：吾以從大夫之後也。故不敢不告。

蘧伯玉

姓蘧氏，名瑗，字伯玉，衛大夫。

春秋左傳

襄十四年

衛獻公戒

也。孫文子

父。

孫林

寧惠子

殖

食

令來共食

皆服而朝

朝服待命於朝

曰盱

晏也

不召

至日晏尚不召，二子進食。

而射鴻於囿

獻公方射鴻於囿

二子從之

從公於囿

不釋皮冠

田獵

冠而與之言

不即與食

二子怒，孫文子如戚

衛地，今屬直隸開州

而

入見蘧伯玉，曰：君之暴虐，子所知也。大懼社稷之顛

覆，將若之何？對曰：君制其國，臣敢奸

犯也。言不敢犯。

之。雖奸

之庸知愈

勝言臣不能也。勝君也。

遂行從近關

衛境出懼亂作欲速出

竟

四月公

衛侯

出奔

又

襄二十六年

衛獻公使子鮮

獻公弟

為復

求復國

子鮮以公命與甯喜

衛大夫

言曰苟反

反國政

由甯氏祭則寡人甯喜告蘧伯玉伯玉曰瓊不得聞

君之出敢聞其入遂行從近關出

將以全身遠害也蓋蘧伯玉當衛國

多亂之時而孫甯二臣皆衛國強宗執政專權伯玉之力既不能禁其不逐君又不敢與聞復君之事故

遠避以自全也

又

襄二十九年

吳公子札來聘

聘曾

適衛說蘧瑗

季札至衛與蘧瑗相善

曰衛多君子未有患也

家語外寬而

內政直已而不直人

以直自持而不能化人以直

汲汲於仁以善

自終蓋蘧伯玉之行也

說苑趙簡子將襲衛使史

鱗鯢

麟音隣

黜往視之

視衛國可伐與否

黜曰今蘧伯玉為相史鱗

即史魚

佐焉其佐多賢矣簡子按兵而不動

小學內篇衛

靈公與夫人夜坐聞車聲麟轡至闕而止過闕

君復

有聲公問夫人曰知此為誰夫人曰此蘧伯玉也公

曰何以知之夫人曰妾聞禮下公門式路馬

見君之路馬必

憑式所以廣敬也夫忠臣與孝子不為昭昭伸節

不於眾其

見聞之地方伸其恭敬之節

不為冥冥情行

不於幽獨無人之地自改其恭敬之行

蘧伯玉衛之賢大夫也仁而有智敬於事上此其人

必不以闇昧廢禮是以知之公使人視之果伯玉也

莊子蘧伯玉行年五十而知四十九年之非行年

六十而六十化化於未嘗不始於是之其始自而卒以為是

詘之以非也卒自知其非而

詘然自下也

按遽伯玉五十而知四十九年之非此即寡過未能之驗而學問曰進之機也其仕於衛未必深見信任是以孫林父甯殖有篡奪放弑之謀力不能撥而正之惟潔身遠去不與聞其事志良苦矣此夫子所以謂其邦有道則仕邦無道則卷而懷也君子思不出其位

易艮象曰兼重山艮止之象君子以思不出其位凡

止之理曰位君子觀艮止之象隨事皆思安所當止之位也如大學人君止仁人臣止敬人父止慈人子

止孝也。及中庸素位而行。不願乎其外之義。

微生畝

魯之武城人。或曰微生高之族。

公伯寮

姓公伯氏。名寮。字子周。魯人。家語列於七十二賢。古史考謂公伯寮為讒愬之

人非孔子弟子也

子服景伯

姓子服氏。名何。魯大夫。惠伯之孫。昭伯之子。卒諡曰景。

春秋左傳

哀二年

夏公會吳於鄆

魯地。今屬山東嶧縣。

吳來徵百

牢

令魯出百牢以貢吳。

子服景伯對曰。君若以禮命於諸侯。則

有數

有常數。

矣。若亦棄禮。則有淫度者矣。周之王也。制

禮上物

制禮定天子之牢數。

不過十二。今棄周禮而曰必百牢。

亦唯執事

言不敢阻吳之請索也。

吳人弗聽。景伯曰。吳將亡矣。

棄天而背本

不從周禮是為棄天背本

不與必棄疾

放置凶疾

於我乃

與之

又季康子欲伐邾

今山東鄒縣

乃饗大夫以謀之

子服景伯曰小所以事大信也大所以保小仁也背

大國不信伐小國不仁民保於城城保於德失二德

者危將焉保

後季氏卒伐邾獲邾子益歸

又

哀十三年

吳人將以公

見晉侯

吳人將率公以見晉侯

子服景伯對使者曰敝邑之職

貢於吳有豐於晉無不及焉以為伯也

以吳為諸侯之長

今

諸侯會而君將以寡君見晉君則晉成為伯矣敝邑

將改職貢

諸侯率子男以見伯今吳率魯以見晉則晉成為伯而魯為子男之國應照子男之

貢以貢於吳

吳人乃止

一國語

魯語

齊聞邱

齊大夫

來盟

子服景伯戒宰人曰陷

過失也

而入於恭

如有過失

閔

魯大

笑景伯問之對曰

笑吾子之太滿也周恭

王能庇昭穆之闕

能補前之闕也

而為恭楚恭王能知其過

其失

而為恭今吾子之教官察曰陷而後恭道將何

為言失道尚為恭則得道者將何為乎

作者七人

按七人集註謂不必求其人以實之而聖人多少悲憫深情全在矣字內

見或曰七人即謂長沮桀溺荷蓀丈人晨門荷蕢儀封人楚狂接輿

石門

按左傳隱公三年齊侯鄭伯盟於石門註謂齊地或曰濟北盧縣當在今山東長清

縣地鄭康成又謂為魯城外門當或有據石門守者蓋魯人隱避不仕而專司石門晨昏

啟閉之事也

磬

以石為之數十六取八音而倍之也橫
簋植上刻如齒形曰崇牙足為鳥形

皇圖紀要帝嚳造鐘磬

世本無句

堯

作磬

通禮

義纂黃帝使伶倫造磬

白虎通磬者夷則之氣象

萬物之成也其聲磬故曰磬有貴賤焉有親疎焉有

長幼焉朝廷之禮貴不讓賤所以有尊卑序貴賤也

鄉黨之禮長不讓幼所以明有年也別長幼宗廟之

禮親不讓疎所以明有親明親疎也此三者行然後

王道得王道得然後萬物成天下樂用磬也書益

予擊石

石

拊

擊

石

小

百獸率舞庶尹

官

允諧

禮記

樂

石聲磬磬以立辨

有界限

辨以致死

死生之際非
明辨於義而

剛介如石。君子聽磬聲。則思死封疆之臣。者不能決。

陳氏祥道曰。磬。後長尺。

八寸博。寬也。九寸厚。二寸

弦者。兩頭相望者也。兩

弦之間。三尺三寸七分

半。前長二尺七寸。博六

寸厚七寸。

按此。即編磬是也。按十


二律之音。而設周禮小

胥所謂半為堵是也。鄭

特

磬


圖



磬

縣

圖



康成曰鐘磬十六在一

虞爲一堵是後世之制

蓋因漢時得石磬十六

而傳會之十二律之外

又加以黃鍾大呂太簇

夾鍾四清聲其實十六

非古制也

荷蕢

衛人避亂不仕自匿姓名故荷草器以自食其力也

深則厲淺則揭

詩邶風

邶有苦葉篇蓋刺也

有苦葉濟也渡有深涉

深則厲去衣而涉淺則揭褰衣以涉也。比也。詩言男女當

深淺而後行荷蕢者引詩以見君子當量時以為進退也

高宗

名武丁。小乙子也。繼立為殷天子。在位五十九年。廟號高宗。

書說命王宅憂亮陰天子居憂之名三祀既免喪其唯弗言群

臣咸諫王庸用也作書以誥曰以台我正於四方台恐

德弗類不合於道茲故弗言恭默思道夢帝資予良弼其

代予言乃審厥象俾以形旁求於天下說築傅巖今山

西平陸縣地。之野惟肖爰立作相王置諸其左右又王

若曰來汝說予小子舊學於甘盤殷臣既乃遜於荒野

時常居於民間。人宅於河大河之側自河徂亳今河南商邱縣地暨及

彰章
雉耳

厥終罔顯及其後也學終不能底于顯明爾惟訓於朕志若作酒醴

爾惟麴蘖所以造酒者若作和羹爾惟鹽梅所以和味者爾交

修予交輔我以自修之道罔予棄不子退棄予惟克邁行也汝乃訓

又高宗彤日高宗彤日祭之明日越有雉雉史記謂飛鳴雉登鳴耳

而祖已殷臣乃訓於王曰王司職敬民罔非天亂言祖宗皆

天之典主也祀無豐於昵時高祖蓋專祭禰廟祖已謂七廟皆天之嗣不應獨於禰

廟更致親昵以致飛雉來示戒也又無逸其在高宗時舊勞於外爰

暨小人高宗舊居田間與小人出入作起也其即位乃或亮陰三年

不言言乃雍和也不敢荒寧嘉靖安治之意殷邦至於小大

無時或怨民無小大皆肆故高宗之享國五十有九

日書考輯要 卷十 憲問 晉老堂

年。書大傳武丁之前王道不正。桑穀俱生於朝。七

日而大拱。

兩樹合抱。

武丁懼側身修行。思先王之道。三年

之後重譯而朝者六國。

按書序及史記謂殷太戊時有桑穀拱生之異。修德而桑

穀死。書大傳及說苑言武丁時亦有此異。豈物異偶同。抑前有是異。誤傳而為二耶。

史記

殷本

紀

武丁修德行道。天下咸驩。殷道復興。

通志鬼方

北胡種落或曰地屬陰。故曰鬼方。應指西戎地。

恃固而擾諸夏。武丁伐之。三

年乃克。自是內外無患。而商道復興。

冢宰

周禮

天官

乃立天官冢宰。使帥其屬而掌邦治。以佐王

均邦國。治官之屬太宰。

即冢宰

卿一人

變冢言太者。進退異名也。進則

百官總焉故曰冢退則與五卿並列而為卿之首故曰太書官冢宰掌邦治統

也百官均四海白虎通冢者大也宰者制也大制事

也

原壤

周文王第十六子原伯之後

禮記

檀弓

孔子之故人曰原壤其母死夫子助之沐

治也

柳原壤登木

即柳木也

曰久矣予之不託

託於音也

歌曰

狸首之斑然

言木文之華如狸首之文采

執女手之拳然

言木之滑膩如

女手之細軟

夫子為弗聞也者而過之從者曰子未可以

已乎

言方親喪而歌失禮之甚應絕之也

夫子曰丘聞之親者毋失

其為親也故者毋失其為故也

不以一失而絕親故也

按原壤夷俟。蓋溺於老莊之流。縱恣放蕩。不以禮節自拘。觀其母死而歌。其病可同。孔子謂其老而不死。是爲賊。正以訓戒之。非詈之也。以杖叩其脛。孔子卽手中所執之杖。叩之使起立也。此仍親無失親故無失故之意耳。

闕黨

卽闕里也。今山東曲阜縣地。

居於位 與先生並行

禮記

曲禮

謀於長者

有謀議請教長者之事

必操几杖

長者所以憑倚

以

從之

非謂長者無几杖。蓋以是執弟子之禮也。

長者問不辭讓而對。長者之前

當執謙遜之儀。不辭讓則自以爲是矣。

非禮也。非事長之禮

又年長以倍

一年加倍則父事之十年以長則兄事之五年以長則肩

隨之並行而差退也又長者與之提携手提童子則兩手奉長

者之手負劍辟偏也呬口旁詔之與之語也長者俯與童子語則狀若負劍或從

旁與之語則謂辟呬詔也則掩口而對恐口氣觸長者又遭先生於道

路也趨而進正立拱手先生與之言則對不與之言則

趨而退又席南鄉北鄉以西方為上東鄉西鄉以

南方為上東鄉南鄉之席皆尚右西鄉北鄉之席皆尚左又侍坐於先生

先生問焉終則對不敢以已語雜亂長者之言請業求當習之事則起

請益再問未盡之理則起

按童子侍長者當隅坐隨行曲禮所載皆教以謙

四言不車要 卷一
遯之道。彼居先生之位。與先生並行。越禮犯分。莫
此爲甚。故夫子使之將命。以習揖讓進退之節也。

四言不車要卷十終

吳門穆大展局刻

